

光緒山西通志

府州廳縣考四 考一之四 山西通志弟二十六

賜進士出身頭品頂戴兵部侍郎兼都察院右副都御史巡撫山西提督軍務臣張煦奏

旨監修

河東道一

平陽府 蒲州府

分守河東道治所在解州安邑縣運城

韓府二 平陽府 蒲州府

直隸州四 解州 絳州 霍州 隰州

州一縣三十

平陽府 要缺 衙繁雜

鎮守太原等處總兵官駐府城

禹貢冀州之域三代同春秋屬晉後屬韓氏戰國屬魏秦為

河東郡地漢因之魏正始八年夏五月始析河東汾北之十

二縣置平陽郡治平陽縣屬司隸校尉舊志據太平寰宇記

北共十二縣晉志亦十二縣蓋後漢省孤譚驎侯晉屬司州

劉淵稱漢自蒲子遷都於此屬雍州劉聰以平陽屬荊州石

勒改屬司州石季龍改屬洛州升平二年平陽歸前燕尋入

前秦置晉州慕容沖起兵地入西燕又入後燕以平陽屬雍

州旋為後秦所有未入地入北魏魏初移治廢楊縣故城水

注汾水下引土地記曰平陽郡治神廡元年以禽赫連昌於

平陽城北二十里白馬城案今名置禽昌縣並分置禽昌郡

於此真君二年廢郡四年置東雍州於柏壁地屬焉太和十

三年罷州改置平陽郡治平陽城領縣五孝昌中置唐州建

義元年改晉州置總管府與郡同移治東北二十里白馬城

又置汾西郡東魏置西河案當作河西此據隋志地形志此

天平中置北五城定陽皆與中置正東魏年號若西河則孝昌中所置非東魏也

定陽五郡北齊晉以晉州為重鎮旋入西魏後周武成帝於

此置行臺武帝置晉州總管府後廢五郡為西河案此亦當

隋志此下又云又有後魏永安縣開皇初改曰河西文也定陽二郡隋開皇初州郡並廢

晉州總管府改為平河郡三年郡廢又為晉州大業初州廢

置臨汾郡領縣七移治白馬城南一里今名南麻城義甯二年又

改為平陽郡領臨汾襄陵岳陽冀氏楊五縣又改楊為洪洞

唐武德元年改為晉州分襄陵置浮山縣分洪洞置河西縣

三年置總管府管晉絳沁呂四州移治白馬城改浮山為神

山四年為都督府貞觀六年廢都督復為晉州領縣七十二

年移治平陽古城十七年省河西縣以廢呂州之霍邑趙城

汾西三縣來屬天寶元年改晉州爲平陽郡望郡領縣九屬
河東道乾元元年改爲晉州治臨汾元和十四年以襄陵屬
絳州太和元年改屬河中府後梁開平四年升爲定昌軍以
節度使領之尋改建甯軍後唐同光元年改建雄軍宋初仍
名晉州爲望州置建雄軍節度領縣十政和六年八月升爲
平陽府屬河東路靖康後入於金金初爲次府領縣十仍置
建雄軍節度使屬河東南路天會六年升總管府置轉運使
爲上府興定二年十二月降爲散府元初置平陽路總管府
爲上府大德九年以地震改晉甯路領錄事司領縣六隸河
東山西道肅政廉訪司明洪武二年復改平陽府隸山西布
政使司領州六縣二十九萬厯二十三年升汾州爲府割靈
石縣隸焉四十二年又以石樓縣隸汾州易靈石隸府領州

六縣二十八

國朝因之雍正二年析蒲州解州絳州吉州隰州爲直隸州
又析臨晉猗氏萬泉榮河隸蒲州安邑夏縣平陸芮城垣曲
隸解州太平襄陵河津稷山隸絳州鄉甯蒲縣隸吉州汾西
大甯永和隸隰州七年以聞喜絳縣隸絳州易太平襄陵隸
府九年析隰州之汾西仍隸焉乾隆三十七年升霍州爲直
隸州割趙城靈石二縣隸之又降吉州爲散州並所領之鄉
甯來屬於是平陽府領州一縣十

臨汾 襄陵 洪洞 浮山 太平 岳陽 曲沃 翼
城 汾西 鄉甯 吉州

府城 舊在汾水西平水之陽故名古傳魏王豹建後移治
白馬城又移治於平陽古城後徙今治在汾水東明洪武初

因舊城重築景泰初修周十一里二百八十八步高四丈五尺外包以甌池深二丈五尺門四東曰武定西曰和義南曰明德北曰鎮朔外各建月城上各建樓角樓四敵臺八窩鋪九十七

國朝康熙三十四年地震圮

命工部員外郎倭倫平陽府知府王輔重築共一千五百八十四垛四十六年知府劉榮重修 東關城明正德七年同知李滄築周一千二百六十四丈門七嘉靖二十一年知府聶豹重修隆慶二年增高共三丈二尺敵臺十七

國朝康熙三十四年地震圮修復

府境 在省治西南五百九十里

東西廣二百七十里南北袤一百八十里

東至澤州府沁水縣界一百五十里 西至絳州界一百二十里 南至絳州界一百一十里 北至霍州趙城縣界七十里 東南到絳州垣曲縣界一百九十里 東北到潞安府長子縣界二百二十里 西南到絳州稷山縣界一百五十里 西北到汾州府孝義縣界二百八十五里 自府治至

京師一千八百里

臨汾縣

要缺街繁雜

唐平陽地堯都也在平水之陽

漢志注

周初唐侯燮父自唐徙

都焉以晉水之陽改號曰晉

元和志

春秋平陽屬晉為羊舌氏

邑魯昭公二十八年始為縣趙朝為縣大夫

左傳

後屬韓武子

元孫貞子居此

漢書地理志

又為狐廚受鐸昆都諸地又為高梁

邑後志楊有高梁亭左傳杜注楊縣西南五十里有高粱亭地道記楊縣有高梁城去縣五十里叔向邑也地形志平陽下有高梁城案高梁今之高河橋去洪洞南五十里臨汾北十里據諸志證之則北魏以前屬今洪洞北魏以後即屬汾也戰國為韓武遂地楚漢為西魏國都魏豹封此漢平陽

縣隸河東郡初封曹參為侯國又封酈食其子疥為高粱侯

國昭帝時又封度遼將軍范明友為平陽侯國莽曰香平後

漢仍為侯國魏為平陽郡治晉仍為侯國治皆汾水西古城

今名永嘉三年劉淵自蒲子遷都平陽始徙治於汾水之東

劉村堯廟北十里據地形志北魏神鼎元年於縣北二十里白馬

城分置禽昌縣真君六年併平陽入禽昌太和十一年復置

平陽縣十八年自楊縣故城移平陽郡治禽昌縣孝昌中於

郡置唐州尋改晉州治平陽縣建義元年平陽郡與晉州始

同治白馬城周平齊移禽昌縣於廢襄陵故城隋開皇初廢

平陽郡改周晉州總管府為平河郡平陽縣亦曰平河為郡

治後罷郡為晉州縣屬焉尋改縣曰臨汾此縣名臨汾之始

今絳州太平地也大業中州廢置臨汾郡縣仍屬唐望屬平陽郡武

德元年罷郡置晉州縣仍屬焉又析臨汾洪洞置河西縣貞

觀十二年始自白馬城與州還治此十七年省河西縣入焉

宋望隸平陽府金天會六年定為次赤隸平陽府元中隸

晉甯路明隸平陽府附郭

國朝因之編戶舊一百五十一里今六十七里

史記晉世家於是遂封叔虞於唐唐在河汾之東方百里

故曰唐叔虞注世本曰居鄂宋忠曰鄂地今在大夏又昭

侯元年封文侯弟成師於曲沃曲沃邑大於翼翼晉君都

邑也又曲沃武公己即位三十七年矣更號曰晉武公晉

武公始都晉國又獻公八年乃使士蒍盡殺諸公子而城
聚都之命曰絳始都絳 漢書地理志河東郡聞喜故曲
沃晉成侯自晉陽徙此絳晉武公自曲沃徙此

詩譜成王封母弟叔虞於堯之故墟曰唐侯南有晉水至
于變改爲晉侯至曾孫成侯南徙居曲沃近平陽焉其孫
穆侯又徙於絳云正義曰知徙於絳者以成侯徙居曲沃
則曲沃爲晉都矣至昭公之時分曲沃以封桓叔則正都
不在曲沃明昭公以前已徙絳矣知穆侯徙者蓋相傳爲
然地理志云河東絳縣晉武公自曲沃徙此者以桓叔別
封曲沃武公旣并晉國徙就晉都故曰自曲沃徙此耳非
謂武公始都絳也然則穆侯以後晉恒都絳昭侯以下又
徙於翼至武公并晉又都絳也

地道記平陽有堯城

水經注滄水

詳翼城下

汾水下平水又

東逕平陽城南東入汾俗以為晉水非也

案此道元駁語即指地形志所

言然是證晉水之名古矣

括地志唐國今首州所理平陽故城是也

又平陽河水一名晉水

按河字當作平

地形志平陽郡平陽下

有晉水

九域志姑射山唐水之上地正名翼一曰絳而

魏曰平陽成王滅之以封叔虞 元和志翼城縣故唐城

在縣西二十里 太平記引都城記唐國帝堯之裔子所

封也春秋夏后孔甲時有劉累者以豢龍之術事孔甲夏

后嘉之賜氏御龍以更豕韋之後及龍一雌死臨之以食

夏后既而夏后求之不得懼而遷於魯縣夏后蓋別封劉

累之孫至成王時唐人作亂成王滅之而封其弟叔虞更

遷唐人子孫於杜謂之杜伯即范匄所言在周為唐杜氏

然則是唐叔虞初封之處至唐叔子燮父北徙晉水之陽
 改曰晉 又水經注汾水又南逕白馬城西魏土地記曰
 平陽城東十里汾水東原上有小臺臺上有堯神屋石碑
 永嘉三年劉淵徙平陽於汾水得白玉印方四寸高二寸
 二分龍紐其文曰有新寶之印王莽所造也淵以為天授
 改永鳳二年為河瑞元年 又地形志平陽下有堯廟

即水經注所云堯神屋也在
 今城南五里堯廟村東原上

此案

謹案唐晉舊說皆以為今之太原縣 國朝顧氏則
 以為在今之翼城說見後顧氏本之史記而徵以括
 地志諸說史記言唐在河汾之東方百里與翼城正
 合太原則在汾西去河亦遠矣注言世本曰居鄂宋
 忠曰鄂地在今大夏此皆先秦前漢舊說必有所受

也其後臣瓚注漢書謂在永安水經本之於汾水入河東界後曰歷唐城東則在今霍州雖與史記少異亦未大遠也主是說者括地元和九域諸志是也太原之說出自漢書地理志太原郡晉陽注故詩唐國周成王滅唐以封叔虞確指其地鄭氏據之以作詩譜杜氏本之以注左傳後之主是說者無慮干口一詞矣然說始後漢又在世本史記之後恐難徵信考晉凡五都五遷四都皆見左氏傳獨平陽未知何公所遷竊意平陽當卽晉陽據詩譜晉水在南變改晉侯無遷徙之文與括地志唐國今晉州所理平陽故城是也語合九域志又并唐絳翼平陽爲一語雖孟浪當亦有本耳平水之爲晉水前人多有言之者惟

平陽之爲晉陽則無明文可證然以五遷之次推之則在春秋之前詩譜所言蓋在成侯之先當爲第一遷非平陽無足當改晉者從詩譜說則唐晉一地括地志所言是也從史記說則唐當在翼城燮父乃北遷晉水之上元和志所言是也則晉陽爲平陽無疑然猶有疑者晉陽見春秋實今之太原平陽見左傳亦實今之平陽不能強合爲一也而晉陽之爲叔虞所封實班氏因縣名偶同國名望文爲訓別無所出他書亦無晉陽之文至鄭氏作譜杜氏注左而其誤成矣此又不可不辨更不必強合爲一也

縣城

附郭

縣境

東西廣一百四十里南北袤五十三里

東至浮山縣界韓村五十五里少南至浮山縣治八十里

西至隰州蒲縣張村岔八十五里縣志九少北至蒲縣治一

百五十里南至襄陵縣界下靳村二十八里冊作至并子

至曲沃縣治一百二十里北至洪洞縣界天井村二十五

里少東至洪洞縣治五十五里縣志六東南到翼城縣界

一百五十里西南到襄陵縣治三十里到鄉甯縣治一百

八十里東北到岳陽縣界一百二十里西北到汾西縣

界一百八十里

鄉鎮 北鄉喬李鎮二十里吳村鎮二十里古鎮二十里西鄉泊

左鎮二十里劉村鎮二十里金店鎮二十里

驛站 建雄驛極街在城北至洪洞縣普潤驛六十里南至

太平縣史村驛六十里見額馬七十七匹馬夫三十八名年

遞運所夫九十名

舖遞

總舖在城

北路半坡下

里二小村

里五高河

里七賈村

東虛曲

里十七沙灘

里十七高舖

南路堯廟

里七王莊

里十大韓

里十二

西路馬頭

里五土牆

里二十煙熏

里八石瓮

里二十洪基

里三十秤鈎

里四十善願

里五十滴水

里六十西南路郭村

里五伊村

里十神劉

里二十下新

里二十東北路九州

里五南段

里十趙下

里十堯陵

里二十練李

里二十王明

里三十北道

里三十

道徑

北達洪洞南達襄陵孔道也東達浮山西達蒲縣小

徑也

襄陵縣

難簡缺

春秋晉大夫卻犇食邑漢始置襄陵縣隸河東郡襄陵在西

北晉襄公之陵故以名縣

漢志住又太平記言以趙襄子晉襄公俱陵於是邑以名縣則大非

箕子世也不可名陵且臣先乎君後
人先前人不倫者三恐誤人故辨之
莽曰幹昌魏隸平陽郡

晉為襄陵公國都北魏治襄陵城神麇元年太武擒赫連昌

析置禽昌縣於白馬城北一統志在洪洞縣東南二十四里齊天保七年併

襄陵入禽昌後周自平陽縣東北二十里白馬故城移禽昌

縣於廢襄陵故城隋大業二年因舊城改為襄陵隸臨汾郡

唐緊隸晉州元和十四年隸絳州旋自汾東移治汾水西之

宿水店太和元年改隸河中府後晉屬絳州後改屬河中府

宋緊隸平陽府天聖元年自宿水店移治北十里之晉橋熙

甯五年廢慈州鄉甯縣分隸焉金倚次畿隸平陽府元中隸晉

甯路明隸平陽府

國朝因之雍正二年改隸絳州七年仍隸平陽府編戶舊七

十二里今二十九里

魏地形志晉州平陽郡禽昌二漢屬河東晉屬卽漢晉之
北屈也神麇元年世祖禽赫連昌仍置禽昌郡眞君二年
改七年併永安屬焉有乾城郭城又平陽眞君六年併禽
昌太和十一年復有晉水高梁城龍子城堯廟又永安郡
永安眞君七年併禽昌正始二年復屬治仇池壁有霍山
祠趙城又楊晉屬平陽後罷太和二十一年復後屬治楊
城有岳陽山東明神又冀氏郡建義元年割平陽郡置冀
氏割禽昌襄陵並有冀氏城又義甯郡建義元年置治孤
遠城義甯分禽昌置 隋志臨汾郡襄陵下後魏禽赫連
昌乃分置禽昌縣齊併襄陵入禽昌大業初又改爲襄陵
元和志晉州襄陵縣周平齊自臨汾縣移禽昌縣於今
理屬晉州大業二年改禽昌爲襄陵取漢舊名也先是以

禽昌名者後魏禽赫連昌因以置縣故也又洪洞縣禽昌故縣在縣東南二十四里後魏太武帝禽赫連昌置因以名焉 太平記襄陵縣後魏以此地禽赫連昌遂於白馬城置禽昌縣齊天保七年省周平齊自臨汾縣東北二十里白馬故城移禽昌於今縣焉亦隸平陽郡

洪洞縣志禽昌考近人多以禽昌曰洪洞考之諸書殊未確洪洞漢之楊縣迄隋不改魏地形志晉後廢太和二十一年復不詳所廢之年亦不知併入何縣以地證之今洪洞南爲臨汾襄陵北爲趙城霍州東爲岳陽臨汾故平陽霍州趙城汾西故永安魏眞君六年併平陽入禽昌七年併永安入禽昌楊在其間時亦併入禽昌可知其後四十五年而平陽復六十三年而永安復五

十五年而楊亦復矣此楊併禽昌之時可考者也據志禽昌本漢晉之北屈爲今吉州及大甯縣地晉後廢孝文始置定陽郡及各縣則前此爲禽昌之西境計亦與永安平陽同時也據襄陵下分置禽昌縣則南得襄陵縣地也冀氏下割襄陵禽昌二縣置義甯下分禽昌置義甯後爲和川併入岳陽在岳陽東是建義以前禽昌東境實盡今岳陽之地是禽昌全境南迄臨汾襄陵西抵吉州大甯汾西北兼洪洞趙城霍州東盡岳陽凡九州縣之地幅員之大實無比倫此其地之可考者也元和太平二志又言白臨汾縣移禽昌於今理臨汾今之絳州非是當是平陽縣二志就當時所稱名之耳太平記稱禽赫連昌於此誤昌實未至此也又稱於白馬城置禽昌

縣又稱自臨汾縣東二十里白馬故城移禽昌於今理
一稱臨汾縣一稱白馬城一稱故城實一地也蓋禽昌
郡當時卽置白馬城與平陽爲雙頭郡後罷郡存縣與
平陽同爲郭下後周乃移禽昌於襄陵故城平陽始獨
治白馬城故今人但以白馬目臨汾也二志又稱禽昌
故縣太平記在洪洞東南二十四里此卽後世稱洪洞
爲禽昌之由今土人相傳太武於此刑白馬而築城聞
昌就禽因以名城與聞喜獲嘉同一志喜語尙可信當
時昌就禽之所不必在此也今臨汾北界二十里有南
麻城北麻城與洪洞接壤麻蓋馬之轉音卽白馬故城
與太平記里數亦合以高粱舊屬楊縣證之此尙在北
則當時屬楊亦未可知故二志皆言禽昌城在洪洞也

二縣疆域之割裂皆由眞君時省入禽昌併爲一縣又四五十年太和中復置遂不能復舊矣此禽昌縣治與城之約略可考者也自神䴥元年戊辰置禽昌縣至大業三年丙寅而改爲襄陵凡四朝二十主厯一百七十九年此禽昌置縣沿革之可考者也

謹案水經注汾水又南逕襄陵故城西元和志襄陵西北至州二十六里太平記襄陵州東南二十六里相合是自魏至唐宋皆治在汾水東也惟明一統志云唐徙治汾水西方輿紀要同舊志從之今又考太平記臨汾下襄陵城漢襄陵縣城在縣東南三十五里襄陵下襄陵故城冀州圖云襄陵郡東南三十二里卽故襄陵城也大業初曰禽昌後移就古城在趙

村東南六十里案此有誤恐是趙曲二說相合而元

和志無此二條獨所云大業二年改禽昌為襄陵取

漢舊名也太平記與此語異參互證之元和志所稱

周平齊自臨汾移禽昌於今理者諦是漢之襄陵故

城故下大業二年云云是作志時尚治漢之舊縣因

不復志故城所在也太平記每不察而襲其語致多

窒礙其云今縣並州東南二十六里諸語是也然其

引冀州圖記襄陵故城里數所在則不誤蓋已徙新

治故記故城也而又與前後諸語抵牾則不詳考之

過也考襄陵自元和十二年改隸絳州而元和志語

不及則作志在前也意卽在此際由汾東故城徙治

汾西之宿水店因其近絳遂改隸耳自唐至宋已移

汾西天聖元年又徙宿水店北十里之晉橋也明志
所稱當有所本故從之

縣城 宋天聖元年自宿水店徙此乃建城元至正十三年
重修明正統十四年展築周五里一百六十步宏治十四年
建東南城樓嘉靖二十一年增修高三丈基厚二丈頂厚一
丈門三東曰帶汾南曰迎薰北曰屏霍各有郭門四十三年
闢東南門曰大成隆慶元年發以甄石

國朝康熙四十三年地震東北城圯知縣惲東生修四十六
年知縣宋繼均加修雍正三年知縣俞之探建東南角樓六
年知縣吳世雍九年知縣閻鈞十年知縣趙懋相繼修同治
七年知縣陳紀升重修南城

縣境 在府西南三十里

東西廣七十里南北袤三十七里

東至浮山縣界燕村五十五里縣志高村界六十里浮山縣治一百一

十五里西至鄉甯縣界水泉溝一十五里鄉甯縣治一百

五十里南至太平縣界店兒三十五里縣志故城里界三十五里太平

縣治六十里北至臨汾縣界北陳村二里東南到曲沃

縣界大尖山五十里曲沃縣治一百里縣志至翼城縣一百里西南

到太平縣界侯村五十五里到絳州稷山縣治一百二十里

東北到臨汾縣界下靳鋪十里臨汾縣治三十里西北

到臨汾縣界東景村一里到陽州蒲縣治一百四十里縣志一百

七十

鄉鎮 東鄉趙曲鎮二十里 邵莊集二十里 西鄉辛店集二十里

南鄉京安鎮四十里

舖遞 總舖在城 南路東柴里辛店二十里義店三十里東

路靈柏里張林二十里荆村三十里舊志又有新店西王二舖

道徑 南至太平縣古城舖四十里東北至臨汾縣下靳舖

十里孔道也東由高村界六十里至浮山縣一百一十五里

無墩舖西由水泉漕一十五里至鄉甯縣一百五十里東南

五十里翼城界隔大尖山舖遞必由靈柏張村荆村至太平

解村王路蒙城三舖乃入翼城境西南至稷山縣隔太平鄉

甯山境舖遞必自東柴辛店義店至太平縣古城舖乃達稷

山界山徑也西北至臨汾無舖汾河東由太平縣史村經荆

村張林靈柏鄆襄至臨汾縣大韓舖四十里入府扎道也汾

河西由太平縣古城舖經義店辛店東柴至臨汾縣金店鎮

五十里東入府西至劉村鎮入山達秦亦為小徑

洪洞縣 中缺

周職方氏冀州浸曰楊紆澤地為楊侯國文王庶子伯僑所

封或曰宣王子尚父所封後滅於晉春秋為晉悼公之弟食

邑號曰楊干 案左傳襄三年同盟於雞澤傳晉侯之弟楊干

其食邑千則其名也後為羊舌氏邑叔向采地其子食我因之魯昭公

二十八年始為楊氏縣僚安為邑大夫 左傳又兼高粱邑地祁

奚之父為大夫號高粱伯 祁氏春秋高誘注高粱伯之子秦

漢置楊縣隸河東郡莽曰有年亭魏封徐晃為侯國隸平陽

郡晉因之後廢北魏初為平陽郡治後徙治禽昌太和二十

一年復置縣隸永安郡治楊城東魏隸晉州總管府又於縣

西北二十五里立洪洞戍屯兵守之隋隸臨汾郡義甯二年

唐義旗初建改名洪洞以縣北故洪洞鎮為名也唐 望隸晉

州平陽郡武德元年析置河西縣宋繁隸平陽府熙甯五年

以趙城縣省入元豐三年復金次隸平陽府元中隸晉甯

路明隸平陽府

國朝因之編戶舊八十九里今三十五里半

元和志洪洞故城在縣北六里後魏鎮城也姚最序行記

曰周建德五年從行討齊師次洪洞百雉相臨四周重復

控據要險城主張元靜率其所部肉袒軍門即此也 太

平記故楊城在縣東南十八里春秋時楊侯國漢縣城也

疑鎮今縣北之上紀略也

方輿紀要西河廢縣在縣西南三十里後魏孝昌三年僞

置西河郡治永安縣隋開皇初郡廢改縣曰西河屬晉州

大業初縣廢唐武德中復析洪洞置西河縣屬晉州貞

十七年省入臨汾 隋地理志臨汾郡臨汾縣又有後魏
永安縣開皇初改爲西河大業初省又西河郡隰城縣舊
置西河郡開皇初郡廢大業初復永安縣有雀鼠谷 唐
地理志洪洞縣武德元年析洪洞臨汾置西河縣貞觀十
七年省入臨汾

謹案顧氏此條誤合數事爲一據地形志晉州西河
郡本汾州西河郡民孝昌二年胡破遂居平陽界還
置郡領縣三永安治白坑城此顧氏所本也夫孝昌
中置郡明云居平陽界治白坑城此時平陽之永安
尙未置郡北與西河之永安相接則當在今之靈石
無疑與洪洞何涉且隋志所稱開皇初改西河之永
安明係之臨汾下不惟與洪洞無涉與此治白坑城

之永安更風馬牛不相及矣又所稱開皇初郡廢又明係西河郡隰城下則更張冠李戴臨汾祇云後魏永安縣其開皇初並廢之西河定陽二郡又別屬之東魏西河等五郡

案此西河郡本作河西見地理志別有考在平陽府何可混而一之至所稱在縣西南三十里則正今臨汾之吳村鎮與所引唐志皆不誤惟此西河似亦當作河西他書亦有作河西者與今父老傳聞正相合也 又案元和志開皇三年罷郡改為晉州義旗初建改為洪洞縣又隋志臨汾郡四楊縣無洪洞之名唐志洪洞故楊義甯二年更名舊志作元年亦非是改名雖係隋號而實唐改之也

縣城

古楊侯國城在今范村隋徙今地舊無城明正統十

四年創築周五里高一丈六尺厚八尺池深八尺爲門六各
建小樓景泰初重修宏治十二年加修開馬路十七年補修
東南城墻正德六年增築四隅建角樓女牆甃以甃門額東
曰賓陽東南曰安流南曰迎薰西曰拱汾北曰望霍東北曰
玉峰嘉靖十五年指揮張世朝作亂知縣咎如思拒守賊畏
城堅乃逸去趙統記其事隆慶元年甃甃全城高三丈五尺
女牆六尺厚二丈周圍較舊寬二百五十步有奇改建高樓
並角樓窩鋪二十三座池闊三丈深半之崇禎四年增高東
北城丈餘七年增置敵樓四敵臺十有二十三年加建月城
重門

國朝康熙中知縣杜連登陳兆業並嘗重修雍正七年知縣
余世堂改建西門樓並浚其濠乾隆七年知縣梁瑞正三十

四年知縣繆其吉先後重建角樓道光三十四年知縣陳景會大修之同治八年知縣李國瀛又修

縣境 在府北少東五十五里

府志北六十里

東西廣八十五里南北袤四十五里

東至岳陽縣界鐵口村

縣志作偏店村

三十五里

西至隰州蒲縣

界分水嶺五十里蒲縣治一百三十里 南至臨汾縣界韓

村舖三十里少西至臨汾縣治五十五里 北至趙城縣界

王開村

縣志作成公村

一十五里趙城縣治三十五里

東南到浮

山縣界曲亭鎮二十五里浮山縣治八十里

縣志作九十里

西南

到臨汾縣界車覆村四十里到襄陵縣治八十里 東北到

趙城縣界道覺村二十五里到岳陽縣治五十五里

縣志作東到岳

陽縣五 到沁州沁源縣一百二十里 西北到趙城縣界馬

牧村一十五里樊村三十五里到汾西縣治一百二十里

鄉鎮 東鄉蘇堡鎮二十五里 西鄉萬安鎮二十里 東南鄉曲

亭鎮二十五里 古邏鎮三十里 西南鄉楊曲鎮三十里 東三十里

集後移蘇堡鎮

驛站 普潤驛 極衝 在縣治南北至趙城縣趙城驛三十五

里南至臨汾縣建雄驛六十里見額馬七十七匹馬夫三十

八名半廠夫九十名

舖遞 總舖在城 北路賈村三里 苗村十里 又五里 南路

張村七里 金塔里十里 泉陶里十五里 楊曲里二十里 羊獬里三十里 天井四十里 接臨汾

東路李堡里十里 蜀村里二十里 郭益三十里 又十里 接岳陽縣界

道徑 北經賈村三里官莊五里苗村十里達趙城南經十

里舖十里泉陶村十五里陽曲鎮二十里羊獬村三十里天

井村四十里達臨汾此孔道也東經李堡舖十里蜀村舖二十里蘇堡村郭益舖胥三十里抵岳陽縣張村舖達河南彰德西越汾河經萬安鎮二十里達陝西延安胥山蹊曲徑

浮山縣 簡缺

漢河東郡襄陵縣地後魏禽昌縣地 地形志禽昌有郭城 又置葛城縣

北齊與襄陵縣同併入禽昌縣周以葛城故地為郭城縣隋

大業初禽昌仍改襄陵省郭城入焉唐 中 武德二年僕射裴

寂奏分襄陵縣以東之地置浮山縣三年以吉善行於羊角

山見神人勅立老子祠更名神山隸晉州平陽郡後唐同光

二年自郭城徙今治宋 上 隸平陽府金 次 大定七年更名

浮山興定四年更名忠孝隸平陽府元 下 仍名浮山隸晉甯

路明隸平陽府

國朝因之編戶舊十八里今八里

舊志浮山辨兩漢河東郡晉魏平陽郡皆有襄陵無浮山隋襄陵本兼禽昌及葛城唐襄陵初隸晉州後隸絳州太和間隸河中府而神山隸晉州平陽郡注云本浮山武德二年析襄陵置東南有羊角山四年以老子祠更名宋襄陵神山同隸平陽今襄陵浮山亦同隸平陽而襄陵注云有浮山汾水潞水元亦同隸晉甯路蓋自唐高祖以後襄陵方徙治汾水以西而唐莊宗同光二年浮山乃自郭城徙今治也

縣城 唐長興中築城周四里一百二十步高一丈五尺濠深一丈南臨深塹數百尺門四明景泰間增修門額東曰朝陽南曰阜民西曰大有北曰平甯各建城樓正德八年重修

嘉靖二十二年重建城門

國朝康熙三十四年地震圯知縣盧承宗修復雍正九年邑紳張奎張大統等捐資輒費四門復建南北城樓署知縣錢標記

縣境 在府東少南八十里

東西廣一百里南北袤八十里

東至澤州府沁水縣界賀家嶺七十五里少南至沁水縣治一百二十里 西至臨汾縣界官雀村二十五里少北至臨

汾縣治八十里 南至翼城縣界朱村四十里翼城縣治七十里 北至岳陽縣界東池村四十里岳陽縣治一百里

東南到澤州府陽城縣二百里 西南到太平縣一百三十里 東北到岳陽縣界舊縣村七十里 西北到洪洞縣界

八十里

鄉鎮 東堯山鄉 西浮峪鄉 南萬安鄉東張鎮十五里王

村鎮二十五里

舖遞 總舖在城 西路趙莊十里韓村二十里

道徑 東至沁水南至翼城北至岳陽胥無舖西由趙莊韓

村至臨汾縣官雀村此孔道也東十里經十里原又二十五

里經嶺上又三十里至沁水縣賀家嶺南十里經梁村又二

十里經東張鎮又十里至翼城縣朱村道少寬北十里經南

霍舖又十里經楊村河又十五里至岳陽縣東池村胥小徑

也

太平縣要缺 衝繁雜

周賈伯邑春秋屬晉戰國為魏汾城地方輿紀要臨汾城在縣南二十五里亦曰

汾城秦昭襄王五十年發卒軍汾城塋即此

漢河東郡臨汾縣北境晉臨汾公國

都與魏同隸平陽郡北魏真君七年於縣東北二十七里太

平故開城始置秦平縣併臨汾縣入焉太和十一年復屬平

陽郡北齊又省入焉後周避太祖諱改曰太平隋初屬晉州

後隸絳郡開皇七年移治於關東北三里太平故城大業三

年復置太平關唐武德元年復移於太平關城貞觀七年

又徙敬德堡宋熙甯五年廢慈州以鄉甯縣分隸焉金元

中仍隸絳州明洪武二年改隸平陽府

國朝因之雍正二年改隸絳州七年仍隸平陽府編戶舊五

十四里今二十七里

日知錄春秋時本都翼

案此語誤顧氏不言唐音意蓋與翼為一也

在今之翼

城及昭侯封文侯之弟桓叔於曲沃桓叔之孫滅翼而代

為晉侯都曲沃

案詩譜言成侯遷曲沃非武公始都之也

在今開喜縣

漢志開喜故曲

沃其子獻公城絳居之在今太平之南絳州之北

今太平縣南二

十五里城址猶存

歷惠懷文襄靈成六公至景公遷於新田在今

曲沃縣

杜氏曰新田今平陽絳邑縣是後魏始名曲沃

當汾澮二水之間於是命

新田為絳而以其故都之絳為故絳此晉國前後四都之

故蹟也

案太平記正平縣下漢臨汾縣在今縣東北二十

二十五里城址猶存者俗呼為古晉城者也

舊通志臨汾考前漢地理志河東郡第十六縣為平陽

應劭曰堯都也平河之陽後漢郡國志河東郡第三縣

為平陽堯都此晉地理志平陽郡第一縣為平陽注云

舊堯都元魏地形志平陽郡第二縣為平陽注云屬河

東太平真君六年併禽昌太和十一年復隋地理志臨

汾郡第一縣爲臨汾注云後魏曰平陽並置平陽郡開皇初改郡爲平河改縣爲臨汾而太平舊爲臨汾縣置於古晉城前漢河東郡第十二縣爲臨汾後漢河東郡第四縣爲臨汾晉分河東立平陽郡第十縣爲臨汾至後魏太平眞君時始分臨汾置太平縣而併臨汾入焉則今之臨汾乃二漢晉魏之平陽縣而二漢晉魏之臨汾卽今之太平縣也又隋地理志絳郡第一縣爲正平注云舊曰臨汾置正平郡開皇初郡廢十八年縣改名焉大業初置絳郡此蓋與太平同在今臨汾之域而分置者也 舊通志史記晉獻九年城聚都之命曰絳賈逵曰聚晉邑是木爲聚邑獻公更名曰絳耳太史公龍門人以晉紀晉耳目自審賈景伯爲汝南許慎古學之

師安有疑者或乃曰左傳獻公八年城聚九年城絳今

絳縣志別有車廂城謂城聚處羣公子之所然則司馬

子長竟未讀左氏傳者耶案此據史記言白是別一說不必致詰從之亦可若近志

以車廂城為聚聚之良是至以史公未讀左氏傳反詰則夫之不考不即史公時左氏尚未立史公所見祇春秋國語左氏傳誠未之見觀其書言左氏祇云國語無一言及傳者又諸世宗列傳亦祇引國語且多與傳不合者不必以是致疑也

縣城 唐尉遲敬德始建堡貞觀七年徙縣於此東門二南

北西門各一明景泰初修正德間展築八十餘步共周三里

六十五步高三丈上厚一丈五尺濠深二丈六尺廣三丈建

門樓五角樓四嘉靖十四年易堞以甃計一千一百八十有

濬二十六年創築敵臺二十三年建墩亭隆慶二年濬

池深廣各四丈餘崇禎四年砌石為基悉贅以甃自雉而下

計高四丈一尺上厚三丈袤一千四百步有奇增建南北層樓

國朝康熙十八年知縣吳軫重修乾隆十六年知縣姚士法增建東南角樓四十年知縣張鍾秀補葺東城兼修西北角樓五十四年知縣徐希高又修東北角樓道光二十一年知縣顧穗林繕治垣堞迄今完固

縣境 在府西南九十里

東西廣六十里南北袤五十五里

東至曲沃縣界四十里

縣志蒙城驛界

至翼城縣治一百一十里

西至鄉甯縣界濼堆村二十里

南至絳州界義泉三十里

至絳州治五十里

北至襄陵縣界店兒二十五里

縣志京安鎮界

至襄陵縣治六十里

東南到曲沃縣界高陽村三十里曲

沃縣治七十里 西南到絳州界蘇村二十五里到稷山縣
治九十里 東北到襄陵縣界安柴村三十里到臨汾縣治
九十里 西北到鄉甯縣界鋪頭三十五里鄉甯縣治一百
五十里

驛丞兼巡檢司在史村

鄉鎮 東鄉史村鎮四十里 永固集三十里 西鄉膏腴集十里 尉

村集二十里 南鄉清儲鎮十里 趙康鎮二里 北柴集二十里 北

鄉古城鎮二十里 中黃集十里

驛站 史村驛極衝 在史村鎮北至臨汾縣建雄驛六十里

南至曲沃縣侯馬驛七十里見額馬七十七匹馬夫三十八

名半廠夫九十名

舖遞 總舖在城 北路張高三里 站李十五里 古城二十五里 又十里接

鄉甯 南路汾陽十五里趙康二十五里又十
縣界 里接絳州界

道徑 東北由汾水經襄陵柴村界至解村李威胥十里又

五里至曲沃界蒙城驛西北由汾水經襄陵店兒界經本縣

站李各舖至絳州義泉村五十五里孔道也東北經西李南

李村渡汾水至史家廠四十里東南經單家莊彭村至汾水

界三十五里西南經良陌南賈坊村至絳州二十里西北經

三公村尉村入尉僻峪至鄉甯界小徑也

岳陽縣 簡缺

春秋晉千畝地漢上黨郡穀遠縣西南境地莽曰穀近又為

隋氏縣西境地晉二縣並省為楊縣地 地形志楊縣下有岳

陽縣北魏建義元年置義甯郡及所領安澤縣於縣西七十

八里安澤故城又分禽昌置義甯縣屬焉其年割平陽郡禽

昌縣地於隋氏城南三十五里置冀氏郡領冀氏合陽二縣
北齊文宣帝廢冀氏郡又廢合陽入冀氏屬義甯郡隋開皇
三年罷義甯郡三縣並改屬晉州十六年置沁州改安澤義
甯二縣屬焉十八年改義甯爲和川縣大業二年改安澤爲
岳陽縣以在霍岳之南故名又省和川入沁源縣罷州屬臨
汾郡唐中與冀氏並隸晉州武德元年復置和川縣仍隸沁
州二年移岳陽治今縣南十三里東池堡貞觀六年徙今
治宋冀氏中岳陽中下並隸平陽府和川中下太平興國五
年自沁州改隸熙甯五年省入冀氏元祐元年復爲縣金三
縣並次畿隸平陽府元下至元三年省冀氏縣入岳陽四年
以冀氏當驛路之衝復置併岳陽和川二縣入焉後復改冀
氏爲岳陽縣隸晉甯路明隸平陽府

國朝因之編戶舊一十八里今七里

縣城 隋大業二年改安澤縣爲縣城元至正二十八年修築周二里一十二步高三丈頂厚一丈二尺基厚二丈池深五尺南北二門明景泰初重修成化二年溫家溝水漲南城衝圯旋經繕治宏治間繼修嘉靖十年增築西關土城萬曆四十四年輒葺北門崇禎六年石砌東城一角九年全砌東城

國朝順治十二年知縣郭奇勳重修北城康熙間知縣李丕先趙時可朱亮采盧振先王勗陞先後增修雍正元年知縣鄒謙始建北城樓及東南角樓道光五年知縣宣麟始築護城河隄咸豐三年署知縣蕭大成石砌南城塞東門改角樓爲文昌祠同治七年知縣勞文慶復改祠爲奎光樓並南北

二城樓新之

縣境 在府東北一百二十里

東西廣一百六十五里南北袤一百六十里

東至潞安府屯留縣界良馬村一百五十里屯留縣治二百

三十里少南至長子縣界下王村一百七十里長子縣治二

百五十里 西至趙城縣界馬家莊十五里少北至趙城縣

治七十里 南至浮山縣界東池村六十里縣志作浮山縣界楊村河七十

里 浮山縣治一百里 北至沁州沁源縣界楊子村一百里

東南到澤州沁水縣界紅莊溝二百一十里沁水縣治又

四十里 西南到洪洞縣界鐵口村二十里洪洞縣治五十

五里 東北到沁源縣界勝佛嶺九十里沁源縣治一百二

十里 西北到霍州界尖陽山七十里縣志作霍州治又五

十里

鄉鎮 東鄉府城鎮 一百二十里 南鄉古縣鎮 四十里 北鄉唐

城鎮 八十里 和川鎮 九十里

舖遞 南路灣裏 五里 五馬 十五里 澗上 二十五里 又十 東路

青楊堰 二十里 堯店 三十里 茶房 三十里 秦王廟 四十里 蔡家莊 四十里

西河口 五十里 刁口 五十里 朱家窰 六十里 張村 六十里 永樂 七十里 草

峪 七十里 草峪嶺 八十里 坡底 八十里 義塘 九十里 腰莊 九十里 西溝 一百

第五村 一百一十里 石延 一百一十里 郭都 一百一十里 圍兒 一百一十里 相子坪 一百

五里 勞耕 一百三十里 坡上 一百四十里 良馬 一百五十里 又五里 北

路楊莊 五里 峪口 十里 龍母溝 十五里 下冶 二十里 高崖底 三十里 古岳

陽 四十里 安吉 四十里 麻家山 五里 三教 六十里 亢驛 七十里 勝負嶺

九十里 接 西南路王莊 鐵口 舊志

道徑 東南三十里至堯店又三十里至故縣又二十五里至草峪嶺又五十里至勞耕村又二十里至良馬村屯留縣界孔道也而草峪嶺以東爲山蹊小徑北十里至辛莊村又二十里至下冶茶房又七十里至勝佛嶺沁源縣界此小徑也

曲沃縣

變隸
街案推

春秋晉舊都穆侯自曲沃遷此號曰絳昭侯孝侯居翼武公并晉自曲沃徙此廣其城仍曰絳後景公遷新田在縣西境後爲韓爲陘城地漢河東絳縣治此高帝封周勃爲絳侯又封華無害爲絳陽侯東漢絳邑縣地晉隸平陽郡北魏太和十一年於縣南十里絳山北始置曲沃縣因晉曲沃爲名屬正平郡北周明帝移治樂昌堡建德六年廢隋隸絳郡開皇

十一年移治絳邑故城北二里即今治也唐望隸絳州宋望

金劇元下胥因之明改隸平陽府

國朝因之編戶舊六十六里今三十六里

前漢志聞喜下故曲沃晉成侯自晉陽徙此又絳下晉武

公自曲沃徙此應劭曰絳水出西南後漢志襄陵下地道

記晉武公自曲沃徙此又絳邑下縣西有絳邑城注杜預

曰故絳也有翼城注杜預曰在縣東八十里左傳杜注絳

今平陽絳邑縣又翼晉舊都在平陽絳邑縣東又新田今

平陽絳邑縣是水經汾水又南過臨汾縣東又屈從縣

南西流注汾水逕絳縣故城北又水經滄水出河東絳縣

東滄交東高山注滄水東出絳高山西逕翼城南又西南

合黑水又西南與諸水合謂之滄交滄水又西南與絳水

合俗謂之白水非也水出絳山東西北流注於滄應劭云
絳水出絳縣西南蓋以改絳爲言也又經西過其縣南注
春秋成公六年晉景公謀去故絳欲居郇取韓獻子曰土
薄水淺不如新田有汾澮以流其惡遂居新田又謂之絳
卽絳陽也蓋在絳澮之陽漢高帝六年封越騎將軍華無
害爲侯國縣南對絳山面背二水云云經又西南過虜祁
宮南注宮在新田絳縣故城西四十里背汾面澮西則兩
川之交會也元和志漢絳縣本春秋晉都新田也在縣
南二里周勃爲絳侯卽其地今號絳邑故城案此杜注新
田條實新故
二絳混一之由道元尙知爲華
無志封國非周勃國此爲一矣
舊通志李廷寶曲沃辨今沃南十里有安鵠村卽古之
鵠也詩云從子于鵠注鵠曲沃邑也疏曲沃非獨一邑
而已其都在曲沃其傍更有邑故云鵠曲沃邑也

一統志曲沃秦改爲左邑今桐鄉在沃西南四十五里則漢之間喜當在今沃境而後始遷涑水之南爲今間喜耳晉成侯自晉陽徙曲沃又五世至穆侯徙絳又二世至昭侯徙翼昭侯封成師於曲沃又二世至武公滅翼又一世至獻公徙絳又六世至景公徙新田也

謹案漢及魏晉之絳縣兼今曲沃翼城二縣之地春秋晉之四都皆在其境唐及翼在翼城絳新田在曲沃此皆歷歷可指者故杜注統目爲平陽絳邑縣也據前漢志稱絳武公自曲沃徙此引應仲遠語道元特辨爲指故絳杜注故絳乃指新田據當時絳邑縣而言也再證以水經經注所稱之絳縣故城則在滄絳合流之西汾南滄北之地爲今之侯馬無疑當是

晉之新田爲秦縣漢初以封周勃爲絳侯國者實景
公所徙之新絳也至道元所注之絳陽與經不同蓋
漢初因新絳爲縣至後漢改名絳邑魏晉以來不改
前漢又別爲絳陽故同時封華無害爲侯國卽元和
志曲沃南二里之絳邑故城實晉穆侯初徙及武公
自曲沃再徙之故絳也是故絳在今治新絳卽新田
在侯馬昔今曲沃境並不在翼境也若翼城南之北
絳村則後魏之北絳縣治也絳縣之車箱城則後魏
之南絳縣治也與晉都無與至唐翼二都之在翼且
分爲兩地者元和志明云唐城在縣西二十里翼城
在縣東南十五里相距三十五里杜氏又云翼城在
縣東八十里與今縣治正合是唐自唐翼自翼不名

絳也至遷徙之世史記言叔虞封唐唐在河汾之東
方百里未明其地據注言則在汾西矣當以元和志
爲合惟都翼則無正文昭侯元年下稱翼晉君都邑

也故正義言昭侯以下都翼也後云武公始都晉國

所云晉國未知何
地或卽指翼也又云獻公九年城聚都之命曰絳

始都絳是雖合聚與絳爲一而翼絳自爲二也詩譜

言穆侯居於絳云餘不復及故正義引漢志武公徙

絳又隳栝之曰穆侯以下居絳昭侯以下恆居翼武

公既并晉國又居絳也前後叙次甚明獨水經引詩

譜穆侯徙於絳下又云暨孫孝侯改絳爲翼後獻公

又北廣其城方二里命之曰絳元和志同今考詩譜

無以下數語未知道元自增之與抑原文道元時猶

存至唐初作正義時已佚之與若然是絳與翼又爲
一不僅絳與聚爲一矣雖元和志亦同恐是仍襲道
元語非別有出單文孤證姑備一說可耳其不引史
記語則元和志爲長矣至太平縣南二十五里絳州
北二十五里之古晉城乃漢臨汾縣治顧氏據通典
指爲武公所遷之絳明與漢志不合且絳在汾西經
傳無徵未敢遵爲定論

縣城 隋開皇十年自樂昌堡徙治今址始築土城明洪武
二年修周三里五十步高二丈五尺厚如之池深二丈五尺
闊四丈正德十一年致堞增建城樓四角樓四舖舍二十五
舊無北門嘉靖二十二年自舊城東北西南二角加築周六
里五十步計梁口四百七十礮臺二十五關北門一東門二

南門二西門一合舊西門二共門八東曰來青小東曰迎旭
 南曰挹薰小南曰德暉上西曰上升中西曰中興下西曰德
 潤北曰星拱二十八年建東西城樓三十四年增修隆慶元
 年增築內外城崇禎間築各門月城甃甃北門城

國朝康熙二十四年知縣何道約二十七年署縣事翼城知
 縣司鉉先後重修三十四年地震知縣潘錦續修西門城樓
 以及月城吊橋乾隆十年知縣黃辰令里民分段修理二十
 一年知縣張坊二十八年知縣陶敦仁相繼修

縣境 在府南一百二十里

東西廣七十里南北袤五十五里

縣志廣七十
里袤七十里

東至翼城縣界礮店村三十里 西至絳州界秋莊村四十
 里絳州治五十里 南至絳縣界步坑三十里

冊作至薛王
村十五里

北至襄陵縣界陶寺村四十里至臨汾縣治一百二十里

東南到絳縣界范柴村二十五里絳縣治五十里到絳州

垣曲縣治一百六十里縣志一百八十里西南到聞喜縣界隘口

鎮五十里聞喜縣治九十五里縣志一百二十里東北到翼城縣

治五十里到浮山縣界方城村四十里浮山縣治一百三十

里西北到太平縣界蒙城鎮四十里太平縣治七十里縣志

六十里

驛丞兼巡檢司在侯馬鎮

鄉鎮 西鄉侯馬鎮三十里西莊鎮二十里北鄉蒙城鎮四十里

高顯鎮二十里曲村鎮二十里東鄉下郎集二十里王村集二十里

南鄉隘口集五十里

驛站 侯馬驛極衝在侯馬鎮北至太平縣史村驛七十里

南至開喜縣涑川驛八十里見額馬七十七匹馬夫三十八名半遞運所夫九十名

舖遞 總舖在縣治西 西南路在莊十喬村十五侯馬三十

里 隘口四十里接 東北路容裕二十辛店三十蒙城四十

縣界 西北路郭馬十里楊村二十里又十里接絳州界

道徑 北至蒙城鎮四十里由本縣敬村南秦各舖抵招仙

洞開喜縣界六十里此孔道也東至馬莊村五里秦岡鎮十

里抵翼城界南由交里村四十八里至絳縣界西南五十里

至開喜縣胥小徑也

翼城縣 簡缺

古唐國堯裔子所封周成王滅之以封弟叔虞 城在縣西二十里太平記

春秋之前晉穆侯自晉陽徙於絳孝侯三世居此曰翼武公

并晉獻公復都於絳

詩譜故城在縣東南十五里二記同

後徙新田戰國為趙

皮牢地

史記魏世家惠王十年伐趙取皮牢方輿紀要今為牢寨村

漢地屬絳縣後漢為

絳邑之翼城晉後廢北魏太和十二年復明帝孝昌三年置

北絳郡領二縣有新安又改絳邑為北絳縣郡治焉隸晉州

後齊廢新安縣併南絳郡入焉

案南絳郡治滄交川與所領之南絳小鄉二縣不同治茲

併入即滄交川也

後周又併南絳入小鄉縣隋開皇三年郡廢屬晉

州十八年改翼城縣因縣東南十五里古翼城為名也隸絳

郡是年改小鄉曰汾東大業初省汾東入正平縣義甯元年

置翼城郡領翼城絳縣並新置小鄉三縣唐

望

武德元年廢

郡改滄州二年改北滄州四年州廢三縣並屬絳州九年省

小鄉入翼城天佑二年更名滄川五代後唐徙治王逢寨宋

上復名翼城縣隸絳州金興定四年七月升為翼州以垣曲

絳縣隸焉元光二年升為節鎮軍曰翼安元下復名翼城縣

隸絳州明洪武初改隸平陽府

國朝因之編戶舊八十四里今二十里

左傳桓公五年翼九宗五正頃父之子嘉父逆翼侯於隨

納諸鄂晉人謂之鄂侯又定公四年封唐叔以大路密須

之鼓姑洗闕鞏懷姓九宗職官五正命以唐誥而封於夏

墟杜注夏墟今太原晉陽縣也案杜注非是前人已言之矣據前後傳文九宗五正

唐叔始封所分而傳繫之翼則翼為夏墟無疑此又以經證經之明文不第括地志唐城為足徵也水經注

澮水西逕翼城南按詩譜言晉穆侯遷都於絳暨孫孝侯

改絳為翼翼為晉之舊都也後獻公北廣其城方二里又

命之為絳故司馬遷史記年表稱獻公九年始城絳都之

左傳莊公二十六年晉士蔿城絳以深其宮是也案注言翼為晉

舊部又命之爲絳其說頗合又云士蔣所
城之絳卽是則未確詳別條下茲不復辨

顓炎武唐晉辨左傳昭公元年遷實沈於大夏定公四
年命以唐誥而封於夏虛服虔曰大夏在汾澮之間杜
氏則以爲太原晉陽縣按晉之始見春秋其都在翼括
地志故唐城在絳州翼城縣西二十里堯裔子所封成
王滅之而封太叔也北距晉陽七百餘里卽後世遷都
亦遠不相及竹書紀年康王九年唐遷於
晉宣王十六年晉遷於絳况霍山以北
自悼公以後始開縣邑而前此不見於傳又史記晉世
宋曰成王封叔虞於唐唐在河汾之東方百里翼城正
在二水之東而晉陽在汾水之西又不相合竊疑唐叔
之封以至侯緡之滅並在於翼史記言禹鑿龍門通大
夏呂氏春秋言龍門未闢呂梁未鑿河出孟門之上則

所謂大夏者正今晉絳吉隰之間書所云維彼陶唐有

此冀方而舜之命皋陶曰蠻夷猾夏者也當以服氏之

說為信又齊桓公伐晉之師僅及高粱在今臨汾縣而封禪

書述桓公之言以為西伐大夏大夏之在平陽明矣

晉自武公滅翼今翼城縣而王命曲沃伯以一軍為晉侯其

時疆土未廣至獻公始大考之於傳滅楊今洪洞縣滅霍今霍州

州滅耿在今河津縣滅魏在今蒲州滅虞在今陸縣重耳居蒲在今隰州

夷吾居屈在今吉州太子居曲沃在今聞喜縣而公都絳在今平陸縣

不過今平陽一府之境國語宰孔謂晉侯景霍以為是也而

滅虢在今陝州滅焦在今陝州則跨夫大河之南史記晉世家言

有河西與秦接壤北邊翟東至河內索隱曰至惠公敗

韓之後秦征河東則內及解梁在今臨猗縣狄取狐廚在今鄉蒲

縣 涉汾而晉境稍感文公始收南陽得今之懷慶襄公

敗秦於殽自此惠公賂秦之地復為晉有而以河西為

境若霍太山以北大部皆狄地不屬於晉文公作三行

以禦狄襄公敗狄於箕而狄患始稀悼公用魏絳和戎

之謀以貨易土在文公後平公用荀吳敗狄於太原於

是晉之北境至於洞渦洛陰之間而郟並今祁祁縣平陵梗

陽今清涂水在今榆馬首孟為祁氏之邑昔陽今

原為趙氏之邑矣若成公滅赤狄潞氏而得今之潞安

頃公滅肥而得今之正定皆一一可考吾於杜氏之解

綿上箕而不能無疑並唐叔之封晉陽亦未敢以為然

也 晉自都絳之後遂以曲沃為下國僖公十年然

其宗廟在焉考悼公之立成公十八年大夫逆於清原杜氏

東閭喜北有清原是次郊外庚午盟而入辛巳朝於武宮是入

曲沃而朝於廟二月乙酉朔卽位於朝是至絳都而平

公之立襄公十六年亦云改服修宮烝於曲沃但不知其後

何以遂爲欒氏之邑而欒盈之入絳范宣子執魏獻子

之手賂之以曲沃襄公二十三年夫以宗邑而與之其臣聽其

所自爲端氏之封屯留之徙其所由來者漸矣

晉都遷徙考世儒稱晉凡六都亦凡六遷唐都一也晉

都二也曲沃三也絳都四也翼都五也新田六也變父

遷晉一也成叔遷曲沃二也穆侯遷絳三也昭侯遷翼

四也武公又遷絳五也景公遷新田六也據詩譜則唐

卽晉變父特改名耳非遷都則爲五都五遷據水經注

則穆侯遷絳孝侯特改名耳亦非遷都並武公之再徙

絳亦五都五遷也以今考之實五都五遷而與二說各不同則以翼非都亦未遷也山杜氏未察傳文而誤注曰翼晉舊都亦山史記翼晉君都邑也語未分明乃致誤耳考左傳稱惠之三十年晉潘父弑昭侯晉人立孝侯儼然晉也惠之四十五年曲沃莊伯伐翼弑孝侯翼人立其弟鄂侯鄂侯生哀侯則曰伐翼曰翼人矣是鄂侯之世尙居絳故稱晉自孝侯乃居翼始稱翼矣水經注之語爲足徵矣是皆在春秋之前故傳非晉之先事皆不稱晉而但稱翼也隱五年傳曲沃伐翼翼侯奔隨王命立哀侯於翼六年傳翼九宗五正逆翼侯於隨晉人謂之鄂侯又皆直曰翼侯鄂侯而曰晉人者則通國之人也是孝侯居翼之證也桓二年陘庭南鄙啟曲沃

伐翼三年春曲沃武公伐翼逐翼侯於汾隰夜獲之亦直曰翼侯不言晉也此哀侯居翼之證也至七年冬曲沃伯誘晉小子侯殺之八年春滅翼而居翼之事終矣故曰滅則翼終不復見矣此小子侯居翼之證也其曰晉小子侯亦以前晉之局終於此也故本其實以明之此特筆也其年冬王命虢仲立晉哀侯之弟緡於晉則不言翼蓋翼已滅爲沃所并此實立於絳都而非翼故與前立哀侯於翼不同文要皆實錄也自此之後終春感亦覓翼非惟不見翼且不見絳者何則以絳爲晉都言晉卽知爲絳翼非晉都言晉則不知爲翼也知非晉都者卽以傳文書法正變之例見之也非都而三世居此者實亦不得已耳史記言曲沃益疆晉無可如何蓋

白昭侯被弑孝侯雖立心孤已極曲沃侵伐不已特史冊失考不能悉記當時君民同罹其苦不暇作遷都之謀東避惟恐不遠並舊都之唐亦不敢居又東過三十里至於赤狄之界而處之一時臣民從之者九宗五正凡初封之官皆在焉草創既具因三世苟且偏安耳觀哀侯既立其父逆歸別爲鄂侯二君並立國之分析可見也據此則晉實五都亦凡五遷唐一都也晉二都也曲沃三都也絳四都也新田五都也變父徙晉一遷也成侯徙曲沃二遷也穆侯徙絳三遷也武公再徙絳四遷也景公徙新田五遷也中不數異者以翼本非都亦不成遷也左氏於此乃以變例書之居翼在春秋前故入春秋以來卽曰翼不曰晉至大書滅翼之後王以

一軍命武公爲晉侯始言晉不言翼矣其曰翼侯曰鄂侯則汾王寤于公之比也其曰伐翼曰立於翼則入於成周入於王城之比也其曰滅翼又曰立於晉則遂滅衛下復言衛之比也惟此少有不同者彼則國破君死故曰滅衛下雖新造之邦而亦衛也故不嫌同詞此則國寶未破而君死邑殘故亦曰滅而不可稱國故曰滅翼下雖新命之君而實舊晉也亦非故爲異詞二者異而實同也至於不言絳而言翼則未都曰城楚邱而不曰城衛旣都曰城邢而不曰城夷儀之比也此皆本之素王之書法或正例或變例無不合者直筆森嚴甚於褒貶信乎左氏良史才謂之素臣蓋非過稱武庫雖癖尙未能盡知之也又考五都唐在今翼城晉在臨汾曲

沃在聞喜二絳皆在曲沃至絳州絳縣名是而實非若
翼城之號故絳則酈亭之誤而世相沿爲稱不可不辨
至翼之非都則自來無言之者是又不可不知也

謹案水經注滄水西逕翼城南按詩譜言晉穆侯遷
都於絳暨孫孝侯改絳爲翼翼爲晉之舊都也後獻
公北廣其城方二里又命之爲絳故司馬遷史記年
表稱獻公九年始城絳都左傳莊公二十六年士蔿
城絳以深其宮是也據此則不惟聚絳爲一地卽絳
翼仍一地矣杜氏通典以太平之古晉城乃漢臨汾
故城者爲故絳未知何據

縣城 舊治在翔皋山下後唐長興四年因王逢屯兵故寨
遂徙於此元至正十九年統軍元帥葉企賢補葺周六里有

奇高六丈四面懸崖地勢與女牆平東南俯澮水從坡入無池西北臨溝壑由橋入池深數丈門四曰東聯澤路南榮澮水西帶河汾北枕丹岩門樓四角樓四奎光樓一明景泰初重修正德閒甄發女牆嘉靖四十五年萬曆七年重修崇禎四年建重門八年設子城

國朝康熙十二年知縣陳應富加築女牆二十五年知縣司鉉重修三十四年地震後四門橋道並圯邑人上官澍捐修四十五年知縣馬文鏞繼修

縣境 在府東南一百二十里

東西廣九十里南北袤五十里

東至澤州府沁水縣界關子門六十五里沁水縣治一百里西至曲沃縣界續村二十五里少南至曲沃縣治五十里

至太平縣治百一十里 南至絳縣界大交鎮二十里 北

至浮山縣界南板橋三十里浮山縣治七十里 東南到垣

曲縣界樂平村七十里垣曲縣治一百五十里 西南到絳

縣治七十里少南到聞喜縣界東鄭鎮一百里聞喜縣治一

百四十里 東北到浮山縣界盧村六十里到岳陽縣界茶

房八十里岳陽縣治一百四十里 西北到太平縣界門涉

溝五十里襄陵縣界七十里到襄陵縣治百一十里到臨汾

縣治一百二十里

鄉鎮 東鄉隆化鎮四十里 北橄鎮二十里 中衛鎮十里

舖遞 總舖在城 東路孝行十里 南衛二十里 神王三十里 隆化

四十里 神馬五十里 東鄔嶺六十里 又十里 西路陵下十里 天續

二十里 又十里 接曲沃縣界

道徑 東北由北關廂至沁水界東鄔嶺舖六十里西南由西關廂經府冊付至飯店村二十里又二十里至曲沃界此孔道也東至北橄鎮七里陽村十五里又十里至沁水界南經梁必村至絳縣界馮史村二十里西由西關廂經陵下村三十里至曲沃界北經鄭莊村至浮山界鄔裏村二十里此小徑也

汾西縣 簡缺

漢河東郡彘縣地後漢永安縣地陽嘉三年更名魏晉並同後魏太平眞君置嶺東縣屬吐京郡太和中改新城縣後廢東魏復置南吐京郡並新城縣治焉後齊又置臨汾郡及臨汾縣 元和志太平記同舊志作北魏曰臨汾又置後周廢南吐京郡新城縣屬臨汾郡隋開皇三年郡廢改臨汾爲汾西

縣俱屬永安郡十年省新城縣入焉隋志作後屬新城縣亦非十六年改

屬汾州十八年屬呂州大業二年屬臨汾郡義甯元年屬霍

山郡唐武德元年屬呂州權於今縣南五十里申村堡世

縣二年置高唐新城二縣屬北溫州貞觀元年州廢二縣亦

省十六年徙今治十七年呂州廢縣屬晉州開元中徙治厚

義村宋太平興國七年移歸舊治隸平陽府金次畿屬如

故元下隸晉甯路明隸平陽府

國朝因之雍正二年改隸隰州九年仍隸平陽府編戶舊一

十五里今六里

縣城 宋太平興國七年徙今治主簿趙彥修築元縣尹李

克初重修明景泰初知縣陰俊補葺周四里高二丈厚一丈

門四東曰望霍南曰迎薰西曰仁和北曰拱極西南陡臨深

壑東南正北迤西俱有濠宏治七年建重樓四嘉靖二十年重修萬厯三十四年增築四門甕城女牆發以甗

國朝康熙四十六年知縣金舜白五十二年知縣吳振傑雍正七年知縣武紹周俱繼修道光二十七年知縣德蔭甄發

全城二十九年知縣黃傳紳成之

縣境 在府西北一百八十里

東西廣九十里南北袤一百七十里

東至霍州界朱家山二十里

縣志作馬嶺界二十里

少南至霍州治五

十里西至隰州風吹嶺七十里少北至隰州治一百八十里

南至蒲縣界乾河莊七十里

縣志公峪鎮界五十里

北至靈石縣

界下莊村四十七里

縣志南關鎮界三十五里

東南到趙城縣界衛潤

村七十里趙城縣治九十里

西南到蒲縣界龍門村八十

里蒲縣治一百三十里 東北到靈石縣界上莊村四十里

靈石縣治九十里到汾州府孝義縣一百八十里 西北到

隰州界南天莊六十里 縣志西北到隰州治二百二十里

鄉鎮 東鄉南關鎮四十里 西鄉勃香鎮六十里 山雲鎮七十

里 南鄉僧念鎮二十里 乾河鎮一百里 北鄉對竹鎮六十

里 舖遞 南路僧念鎮二十里 衙家灘五十里 團柏五十里 水潤六十里

界 西路閻馬溝十五里 郭家店三十里 迴城四十里 勃香六十里 駝

支里六十里 崖底七十里 接隰州界 東路達村二十里 又二十里 接靈石縣界

道徑 東南經僧念鎮二十里至霍州界又越汾河至霍州

二十里南由僧念鎮經衛家灘團柏舖骨十五里水潤舖十

里至趙城縣界西南經圪臺頭四十里至蒲縣界路胥山險

西經閻馬溝舖十五里又四十里至崖底舖又二十五里至

隰州界上莊舖東北經遠村舖至靈石縣界南關舖三十里
越河至仁義驛二十里胥小徑也

鄉留縣同缺

古大夏地周初曰鄂唐叔始封居此史記春秋晉孝侯之子

郟居之號曰鄂侯又兼瓜野邑左傳狄取瓜野涉汾杜漢置

騏侯國在縣南六十里封駒幾為騏侯隸河東郡兼臨汾縣西境及

北屈縣東南境地後漢省後魏太武帝析臨汾置秦平縣正

平二年置五城郡領京軍縣孝文帝延興四年又分秦平置

昌甯縣隸定陽郡又置內陽郡地形志中陽郡領縣二洛陵

所改也案洛陵又見西定陽郡不知所在考水經注河水上

至鄂谷後下云河水又南洛水自燕山枝分東派東南注於

河昔魏文侯築館洛陰指謂是水也太和二十一年改京軍
為五城縣地形志皆作五他史志記皆作孝昌中汾州陷

所領四郡同寄治平陽界之西河郡天平四年於

定陽置南汾州領九郡十八縣此為五城
隋開皇初內陽郡

廢改定陽郡為文城郡昌甯縣屬焉十六年省平昌入五城

此帶縣之平昌鄉甯之五城刊軍又廢五城郡五城縣改屬

文城郡又改郡為耿州昌甯仍屬焉十八年改州為汾州大

業三年復改州為文城郡縣仍屬如故義甯元年析件城地

於呂香鎮東二十里復置平昌縣舊志作隰州件城地此不

郡甯之平昌初非縣境在州東北唐昌甯平昌並中縣件城

中下縣齊隸慈州貞觀元年改平昌為呂香縣因舊鎮為名

二記上元三年移治呂香鎮此乃鄉甯之平昌而名已改在

百餘里始五代後唐以國諱改昌甯為鄉甯後周顯德三年

併件城呂香二縣入鄉甯縣宋熙甯五年州廢以縣分隸晉

州襄陵縣絳州太平稷山二縣金仍曰鄉甯隸吉州元至元

三年省入吉州後復置明隸平陽府吉州

國朝因之雍正二年隸吉州乾隆三十七年改隸平陽府編戶舊十六里今六里半

縣城 春秋時晉鄂侯故壘宋皇祐三年知縣劉舒因遷縣治築明正德間重修建東西二城樓嘉靖間增築南城建樓後河水衝塌增修繚以女牆隆慶間築北城修東城增四圍女牆計周四里四十步高厚各二丈有奇池深二丈廣稱之萬曆十七年山水蝕西城發以石浚池增堞口新城樓題曰登龍

國朝康熙五年知縣張聯箕重修增築護城石堰後因水漲壞城復修建石隄一道長二十五丈高一丈二尺闊八尺聯箕自爲記四十七年知縣屠輝加修道光二十六年知縣王

筠重修四城

縣境 在府西二百里

東西廣二百三十五里南北袤一百二十五里

東至平陽府襄陵縣界豁都谷一百三十五里襄陵縣治一

百五十里 西至陝西同州府韓城縣界龍尾磧一百里

南至絳州稷山縣界三界莊一百一十里至稷山縣治一百

二十里 北至吉州界馬連灘三十里 東南到太平縣界

蟠桃村一百五里到稷山縣界高梁村一百二十里絳州治

一百五十里又東到太平縣治一百二十里 西南到絳州

河津縣界西磴口九十五里到陝西韓城縣治一百七十里

東北到隰州蒲縣界魯家河八十里蒲縣治一百六十里

西北到吉州治六十里到陝西宜川韓城二縣界一百里

鄉鎮

東鄉營裏鎮

十里官水鎮

西鄉西坡鎮

七十船

高鎮

一百里

舖遞

總舖在城

東路營裏

十里狐村

二十公曹

三十石窰

四十嶺底

五十樊家

六十腰裏

七十黃家

八十官水

九十石

里一百舖頭

一百十里

又十里

北路舖上

十里平康

二十里又

州界

道徑

東經三官峪四十五里嶺底五里又八十五里至太

平襄陵界官水峪西南由龐通峪經河津雙柏檟峪達稷山

南由桑平頭峪莊頭峪達稷山石門峪抵絳州東南由安順

峪達稷山經馬壁峪達絳州險徑也北由平原舖達吉州稍

平東少北由廊下舖凡一百一十里至襄陵東南由營裏舖

一百里入太平界又西南入河津界東北入蒲縣界胥山曲

危徑

吉州 簡缺

春秋晉屈邑地 漢志所古曰公 漢為河東郡北屈縣 應劭曰

魏北及郡古文置 莽曰朕北魏晉北屈隸平陽郡北魏於北

屈縣南二十一里置定陽郡值河西定陽胡人渡河居於此

因以為名 元和 又置斤城縣隸東雍州延興四年復置定陽

縣郡改隸汾州 隋志後魏 孝昌中陷與州郡同寄平陽界天

平四年置南汾州領九郡旋入西魏明年復攻取之北齊改

西汾州後周建德六年平齊改汾州置總管府郡縣多省隋

開皇元年改定陽郡為文城郡三年罷郡為縣縣隸石州四

年廢總管府十六年改汾州為耿州以州南舊祖乙故城為

名 太平 又改斤城縣為文城十八年復為汾州改定陽為吉

山西通志卷之二十一 地理志 州縣志 吉州

昌縣大業三年復置文城郡領縣四唐武德元年曰汾州五年曰南汾州貞觀八年改慈州爲下州以郡近慈烏戍故也元和領縣五吉昌郭下與文城皆中縣隸河東道顯慶三年移文城縣於作城縣東北文城邨天寶元年改爲文城郡乾元元年復爲慈州天祐中更文城曰屈邑五代後唐改吉昌爲吉鄉以避國諱後周廢作城呂香二縣入鄉甯宋爲慈州下圍練初領縣三吉鄉文城皆爲中縣隸河東路熙甯五年廢州以吉鄉隸隰州卽縣治置吉鄉軍使仍省文城爲鎮隸焉以鄉甯分屬襄陵太平稷山三縣元祐元年復吉鄉軍爲慈州領吉鄉一縣金爲下州元亦爲下州領縣二隸晉甯路初置司候司中統二年併司候司人吉鄉至元二年省吉鄉三年又省鄉甯縣入州後復置鄉甯明隸平陽府

國朝因之雍正二年改爲直隸州以平陽府之蒲縣鄉甯縣屬焉九年仍以蒲縣改隸隰州於是吉州統鄉甯一縣乾隆三十七年改爲散州與所屬之鄉甯縣同隸平陽府編戶舊二十四里今二十二里

州城 晉公子夷吾居此相傳士蔿所築明景泰初修因山爲城周一里二百九十步高三丈五尺無池嘉靖初建外城東築土城二百五十丈西築石城二百九十丈再增外城計周四里南臨山澗皆壘以大石門四東曰太和西曰永康北曰拱北南水門曰定遠內門額曰崇安東西各建層樓北建小樓東門外築甕城樓曰長甯因西城外地勢最高建敵樓五以資防禦

國朝順治間知州葛全忠修康熙間知州南鵬重修

州境 在府西二百六十里

東西廣一百二十里南北袤一百二十五里

東至隰州蒲縣界放馬嶺六十里大甯縣界小回公村七十里至臨汾縣治二百三十里 西至陝西延安府宜川縣界黃河岸烏仁關六十里黃河岸釣魚崖七十里 南至鄉甯縣界馬連灘三十里鄉甯縣治七十里 北至宜川縣界馮家集七十里至大甯縣界川莊村七十五里少東至大甯縣治一百二十里 東南到鄉甯縣界平原舖三十五里又東到金剛嶺一百二十里到襄陵縣治二百一十里 西南到鄉甯縣界竟井河五十里到絳州河津縣治一百三十里到陝西同州府韓城縣一百七十里 東北到蒲縣治一百二十里 西北到黃河岸小船窩六十里到宜川縣界黃河岸

平渡關一百二十里

鄉鎮 東鄉瑤渠鎮六十里 西鄉龍王延五十里 南鄉三垢

鎮二十里 北鄉車城鎮二十里

舖遞 總舖在城 南路安因十三里 三垢二十里 馬連三十里 接鄉南縣界

東路柏底五十里 接蒲縣界 北路桃源六十里 接大甯縣界

道徑 東北由桃源至大甯縣六十里蒲縣九十里平陽府二百五十里為山險孔道東南由馬連至鄉甯縣三十里至三官峪四十五里亦山徑也

右平陽府

蒲州府 要缺 衙繁雜

協鎮蒲州等處副將駐府城

虞為舜都禹貢冀州之域三代同春秋時為虞魏郇賈冀各

國地後屬晉戰國屬魏秦爲河東郡地漢因之郡領縣三十
六爲蒲坂猗氏河北汾陰解五縣地王莽更郡名曰兆陽後
漢郡領縣二十胥隸司隸校尉晉領縣九隸司州縣皆如故
郡皆治安邑前趙於蒲坂置并州劉聰以河東屬荊州後趙
改屬司州石季龍改屬洛州太和六年前秦置雍州於蒲坂
後燕以河東郡屬雍州後秦於蒲坂置并冀二州刺史又於
河北縣置河北郡義熙十三年劉裕伐秦蒲坂降十四年置
并冀二州刺史未幾地入北魏旋爲西夏所陷置并州刺史
北魏始光三年復得之仍爲河東郡於郡置雍州領縣五始
自安邑徙治蒲坂延和元年改秦州太和中罷天平初復置
領河東北鄉二郡又置汾陰郡後周明帝改秦州曰蒲州取
蒲坂爲名也領郡如故隋開皇初郡並廢十六年析蒲坂置

河東縣又置桑泉縣大業三年州罷復爲河東郡領縣十始
治河東縣併蒲坂入焉義甯元年義旗次桑泉以隋將堯君
素王行本留鎮郡城乃改河東郡治桑泉唐武德元年罷郡
置蒲州領四縣仍治桑泉二年置蒲州總管府管蒲虞秦絳
邵滄六州三年徙蒲州還治河東縣總管府如故又置溫泉
縣九年廢總管置都督府管蒲虞芮邵秦五州省溫泉縣其
年罷都督府復爲州貞觀八年割虢州之永樂來屬十七年
以廢虞州之安邑解縣廢秦州之汾陰來屬開元八年置中
都改蒲州爲河中府其年六月用麗正殿學士韓瑗言罷中
都仍改府爲蒲州又與陝鄭汴懷魏五州爲六雄析河東置
河西縣尋廢十二年升列四輔爲上輔天寶元年改州爲河
東郡爲赤郡領縣八隸河東道尋置河東採訪使至德二載

置河中節度使領晉絳慈隰同統諸州旋罷乾元元年罷郡

復為蒲州三年四月案是年間四月改元上元故史仍稱三年置河中府兼置耀

德軍於河中復改同州之朝邑置河西縣廣德二年軍廢大

厯初元載為相復上建中都議不行五年復改河西縣為朝

邑還屬同州又析河東朝邑二縣地置河西縣元和三年復

為河中府河東郡河中節度使管河中絳晉慈隰五州府領

縣十二隸河東道案元和志卷首標曰大書河中府河東郡今為河中節度使理所而為中祇及大厯

初元相建中都議即止更不及元和光啟初賜軍號曰護國

梁置護國軍節度使朱初為蒲州河東郡領縣七治河東縣

隸陝西路後升河中府為次府仍置河東郡護國軍節度舊

兼提舉解州慶成軍兵馬巡檢事金天會六年降為蒲州置

防禦使領縣七治河東縣天德元年升為河中府為散上府

仍護國軍節度使大定五年置陝西元帥府隸河東南路元隸晉甯路領縣六治河東縣憲宗在潛邸時置河解萬戶府領河解二州而河中府領錄事司領縣七至元三年罷萬戶府併錄事司入河東縣又併虞鄉萬泉二縣領縣五河中府仍領解州八年割解州直隸晉甯路十五年更置萬泉縣領縣六明洪武三年復爲蒲州以河東縣省入領臨晉榮河猗氏萬泉河津五縣隸平陽府設分守河東兵備道駐州城國朝因之雍正二年升爲直隸州以臨晉榮河萬泉猗氏四縣來屬六年升州爲府設附郭永濟縣八年又分臨晉置虞鄉縣乾隆五十七年兵備道移治安邑之運城兼山陝河三省鹽法道於是蒲州府領縣凡六

永濟 臨晉 虞鄉 猗氏 萬泉 榮河

元和郡縣志大歷中元載爲相又上建中都議曰自古建大功者未嘗不用天因地故高祖保關中光武據河內皆深根固本以制天下臣等考天地之心本聖人之意驗古往之事切當今之務則莫若建河中爲中都隸陝虢晉絳汾潞儀石慈隰等十城爲藩衛長安去中都三百里順流而東邑居相望有羊腸底柱之險羊腸在潞州壺關縣東南一百七十里濁河孟門之限孟門在慈州文城縣西南三十六里卽龍門上口以輟轅爲襟帶與關中爲表裏劉敬所謂扼天下之吭而撫其背卽此之謂推是而言則建中都將欲固長安非欲外之也將欲安成周非欲捨之也將欲制蠻夷非欲懼之也將欲定天下非欲弱之也河中之地左右王都黃河北來太華南倚總水陸之形勝鬱關河之氣色每歲白露旣降涼風已高陛下處

金城湯池內綏華夏登信臣驍將外馭戎狄出於仲秋還於農隙有漕濁泛舟之便無登高履險之虞不傷財不害人得養威而時狩如此則國有保安之所家無係虜之憂矣疏奏不省初代宗自幸陝之後每歲八九月間京師恂恂常懼犬戎復至將相之家皆裝儲糗爲行李之備載知人情不安遂奏此疏冀因制置竊有兵權議亦宏博盡當時利害然代宗探見載意議故不行或曰建中都江融設險圖之首篇也融誅後書已不傳不知所言何自而得

府城 舊城周二十里金哀宗八年元兵侵河中金將草火訛可懼力不足截半爲內城以守周八里三百四十九步元至正十八年宣慰使賽因赤荅忽懷遠與守禦安撫同知范國英增修明洪武四年重築用甃甃堞城高三丈八尺堞高

七尺門四東曰東熙南曰首陽西曰蒲津北曰振威上各建樓一角樓四敵臺七土庫五窩鋪五十七門外各建月城北門月城二重西臨黃河東南北三面池深一丈五尺闊十丈環六里四十五步嘉靖三十四年地震城圯尋修復隆慶元年輒發

國朝順治元年知州侯康民重修乾隆三十年發款重修以永濟絳州聞喜夏縣四州縣分段督工踰二年竣事

府境 在省治西南一千一百里

東西廣一百四十里南北袤二百三十里

東至解州界七十五里 西至陝西同州府朝邑縣界五里

南至陝西潼關廳界六十里 北至絳州河津縣界一百

六十里 東南到解州芮城縣界一百一十五里 西南到

陝西潼關廳界六十里 東北到絳州稷山縣界一百二十里 西北到陝西朝邑縣界三十里 自府治至

京師二千二百里

永濟縣 要缺 衝繁難

殷芮國地周魏國地春秋晉河曲地及羈馬涑川諸邑 太平記

馬故城在縣南三十六里 涑川故城在縣東北二十六里 戰國魏蒲邑及封陵邑秦更名

蒲反 漢志注應劭曰秦始皇漢為蒲反縣兼河北縣地隸河

東郡莽曰蒲城後漢改蒲坂北魏神廟元年自安邑移河東

郡治蒲坂北周武成二年改河北為永樂縣保定二年省入

芮城隋開皇三年罷郡蒲坂縣仍屬蒲州十六年移蒲坂縣

於城東別置河東縣於舊治州仍治焉大業三年罷州改河

東郡治河東縣又并蒲坂入焉唐 次赤郭下 武德元年分芮城置

永樂縣於永固堡次畿屬芮州七年移治堡西南二里九年

屬鼎州貞觀八年改屬蒲州尋屬虢州神龍初仍屬蒲州開

元八年析河東置河西縣尋省乾元末更同州之朝邑曰河

西屬蒲州大厯五年復還同州又析朝邑河東二縣地別置

河西縣次赤郭下屬蒲州宋次赤熙甯三年省河西縣六年省永

樂縣為鎮入河東金倚元下並為蒲州治明洪武二年省河

東縣入州

國朝因之雍正六年州升府設永濟縣於郭下為府治編戶

舊八十七里今四十八里

史記魏哀王十六年秦拔我蒲坂陽晉封陵正義曰封陵

在古蒲坂西南河曲之中括地志陽晉在虞鄉縣西封陵

在蒲州 水經注河水下潼關直北隔河層阜巍然獨秀

孤峙河陽世謂之風陵戴延之西征記所謂風埽者也

元和志風陵堆在河東縣南五十里與潼關對 太平記

風陵堆山在縣南五十里里有風陵城在其上又風陵故

關一名風陵津在縣南五十里魏太祖西征韓遂自潼關

北渡卽此處也 方輿紀要風陵堆在州南五十五里相

傳風后冢也亦曰封陵引史記云云

蒲州府志匡河故鎮在永濟縣風陵鄉去縣南六十里

金時所置今日匡河又風陵渡在永濟縣南六十里黃

河北又文媧陵舊在蒲州南六十里黃河洲潭上今風

陵渡其遺處也又風后陵今永濟縣風陵鄉焦廬里傳

有古風后塚

謹案風陵僅見史記而正義及括地志明言在蒲州

雖未詳其里數而方位甚確水經注及二記所稱實
卽其地明甚與近志方位不易惟里數少有參差然
無可疑也封風一音書之互異耳至九域志始有女
媧墓之誕說後又並出風后冢一說考其地址實祇
一區府志辨之甚力可謂卓識其以永濟縣南八十
里之基城近志皆不知初始證以史記正義括地志
之言疑爲封陵故城更爲特見惟未能合風封爲一
知卽明設巡檢司今尙隸潼關廳爲秦晉之要津人
盡知之者尙作游移之詞爲失之眉睫也顧氏能合
爲一其見優矣

舊通志永濟界辨黃河之東古屬蒲州境由臨晉夏吳
夾馬口界達樂河河津以上達河曲此山陝界也顧唐

河東縣與河西縣皆屬河東郡或廢或置凡數變焉開元八年析河東置河西縣乾元三年更同州之朝邑曰河西來屬大厯五年復朝邑河東別置蒲津關宋熙寧三年乃省河西入河東蒲城西舊爲黃河岸鐵牛今尙存更西數里有大慶關卽昔蒲津關臨晉關也明隆慶四年河徙而西移闕於河東退灘漸涸爲田朝邑蒲州人互爭占

國朝雍正七年 特命大臣查丈立界牆以別山陝則河東亦有陝地與唐宋兼轄河西者異矣

舊通志永濟虞鄉界辨蒲州永濟在金爲河東縣金地
理志注有中條山五老山黃河媯汭而注虞鄉縣則云
有雷首山中條山檀道山按黃河媯汭水在蒲西境中

條沿虞解以東迤而漸北其極西則矗起雷首河流於此一曲植道山一名方山又曰鹽道山又曰百梯山而五老山又在方山之東去虞鄉城裁十里虞鄉界既西及雷首河東界又東至五老豈兩邑互相管轄乎大凡山勢繚聯其左右前後正側皆得以故名概之嘗詢之士人謂山方山五老山而上度危徑漸見平原地甚寬廣其南卽今永濟芮城二邑境也蒲州舊志云厯山在州南六十里媯汭泉出焉方山在州東南一百二十里永樂鎮後純陽宮卽在其麓外此所載山水尙夥而五老山不見州志今以地形揆之則雖謂虞鄉奄有方山五老山之陰永濟奄有方山五老山之陽也可而今虞鄉西界裁止草平頭與雷首相距三十里是與金時界

異也

蒲州府志北魏志蒲坂有華陽城水經注汾水逕冀亭南又西與華水合水出北山華谷西南流逕一故城西俗謂之梗陽城非也按故漢上谷長史相侯君碑云侯氏出自倉頡晉卿士為其裔也食於華陽今蒲坂北亭地卽斯城也汾水又逕稷山西去介山十五里云云據道元所言華陽城尙在稷山北然魏收載之鄒氏又指為今蒲坂北亭地豈當時蒲坂甚大實兼今萬泉諸地而縣之然漢晉志皆無華陽城而獨見於魏或拓跋時常併縣邑有省入蒲坂者而魏酈惟舉其一時見在者為說耶

縣城

附郭

縣境 東西廣五十里南北袤一百一十里

東至臨晉縣界趙伊舖四十里至解州界席家舖九十里解

州治一百二十里 西至陝西同州府朝邑縣界黃河岸大

慶關一十里朝邑縣治三十里 南至同州府華陰縣界黃

河岸六十里至潼關應治七十里 北至同州府郃陽縣界

韓家村四十里至臨晉縣界七十里至同州府韓城縣治一

百四十里 東南到解州芮城縣界一百一十五里芮城縣

治一百二十里 西南到華陰縣治八十里 東北到臨晉

縣界姚莊五十里臨晉縣治七十里 西北到臨晉縣界六

十里到郃陽縣治一百二十里

蒲州府同知駐永樂鎮

鄉鎮 東鄉趙伊鎮三十里

南鄉永樂鎮一百里

北鄉東張

鎮五十里

驛站 河東驛極衝在城內北至臨晉縣樊橋驛七十里南

至陝西潼關驛七十里見額馬八十五匹馬夫四十二名半

遞運所夫九十名

舖遞 總舖在城 北路昭德十里蘇河二十里常德三十里敬祥

四十里東張五十里南路呂芝十里高公二十里信昌三十里鐵鑪四十

里中王五十里祭酒六十里獨頭七十里匠河八十里田村九十里東

南路孟盟十里張志二十里趙伊三十里

道徑 東經中家舖地莊舖高翁舖信昌舖胥十里又十里

至臨晉縣任陳舖東南經孟盟舖張志舖趙伊舖胥十里又

十里至虞鄉縣永泉舖南經鐵鑪舖中王舖祭酒舖獨頭舖

匠河舖田村舖胥十里又十里至潼關廳總舖北經招底舖

蘇村舖常李舖敬祥舖東張舖胥十里又十里至臨晉縣周
吳舖胥孔道也而祭酒獨頭區河之間為中條山尾潼關要
道

臨晉縣

要缺
術繁難

春秋晉桑泉及瑕地楚漢時為東張地漢置解縣隸河東郡

北魏太和十一年分解縣置南解縣

有張楊城

而改解縣為北解

徙治於漢縣故城西北十八里

有桑泉城在縣東十三里故解城西北八里

胥隸

河東郡西魏改猗氏為桑泉

時猗氏治古令孤城在故解城東北十里桑泉城東十二里

後周復改桑泉為猗氏省北解入之隋開皇十六年又分猗

氏於北鄉廢縣復置桑泉縣以縣東古桑泉城得名

府志北解城在

縣東南二十里縣志云卽桑泉之故治

隸河東郡義甯元年徙河東郡來治唐

武德三年蒲州還治河東縣又析桑泉置温泉縣九年省天

寶十三年更桑泉爲臨晉縣議隸河中府宋次隸蒲州元

下至元三年省虞鄉入焉明隸平陽府蒲州

國朝因之雍正二年隸蒲州六年州升府縣仍隸焉八年析

置虞鄉縣編戶舊六十三里今仍舊

地形志河東郡南解二漢晉曰解屬後改有桑泉城北解

太和十一年置有張揚城 太平記桑泉故城在縣東一

十三里左傳重耳圍令狐入桑泉注云桑泉在河東解縣

西謂此也 故解城春秋時解梁城漢解縣地也後魏改

爲北解縣周廢城在今縣東一十八里臨晉縣本漢解縣

地按漢縣在今縣東南十八里故解城是也隋開皇十六

年於今理置桑泉縣因縣東桑泉故城以爲名也元相志同此較

詳

謹案地形志南解北解二事恐有誤當是南北二字互譌考張楊城卽今之五姓湖爲涑水姚渠之委桑泉城在涑水之北南解自無緣得有桑泉城北解亦無緣得有張楊城也幸太平記於故解城云後魏改爲北解縣數語明確不誤證以地勢南北可無疑矣王恭先臨晉辨舊志謂秦築高壘以臨晉國卽今之臨晉非也考班氏注左馮翊臨晉縣故大荔也秦取之更名應劭曰以臨晉水故名臣瓚曰晉水在河之東此縣在河之西不得云臨晉水也舊說秦築高壘以臨晉國故曰臨晉章懷注曰臨晉故城在今同州朝邑縣西南斯言當矣史淮陰侯傳魏王豹盛兵蒲坂塞臨晉師古曰臨晉在河之西濱東臨晉境魏世家文侯十六年伐

秦築臨晉正義曰在同州澄城縣界前曹參傳參以中尉從漢王出臨晉關伍被傳淮南王曰先要成皋之口塞轅轅伊闕之道守武關然此北尚有臨晉關地理通釋云卽蒲津關在臨晉縣由諸說觀之史記所謂塞臨晉者塞對河之臨晉關耳小司馬不諳地形乃曰臨晉縣名在河東岸對舊關不知漢時河東止有解縣而無臨晉此說一誤後人沿爲口實一統志於蒲州臨晉遂曰秦築高壘以臨晉國故名夫築壘臨晉本無所出獨見於臣瓚之注漢書旣引以實馮翊不知諸儒何見欲引入河東也卽曰河曲可入王官可俘而高壘何不可築但河東未聞一時有兩臨晉譌以傳譌建安馮智舒因之作質寶編以注朱子綱目質而不實貽誤尤甚予

固不得不爲之辨

舊志臨晉辨按臨晉之名始於唐天寶十三載臨晉水
臨晉境二說昔人互持未決據顏師古注臨晉故大荔
秦獲之更名又據章懷注大荔古戎國秦獲之改曰臨
晉今同州城是也又據地理通釋臨晉關卽蒲津關在
臨晉縣晉志注臨晉屬馮翊郡不屬河東合上三說所
指皆非今臨晉治也同州蒲津去今臨晉止百里然不
可混

縣城 唐天寶二年建明景泰初重修周三里二百三步高
二丈八尺址廣一丈池深一丈門四東曰泰和南曰中條西
曰慶豐北曰峨眉隆慶二年易堞以輒三年浚城濠萬厯間
開新南門舊南門及甃城遂廢崇禎十四年重建南城樓

國朝順治十三年知縣孫完元增修改題門額東曰通陽南曰拱條西曰福潤北曰迎恩康熙二十七年知縣徐煜開舊南門塞新南門四十六年知縣徐忻復開新塞舊乾隆十四年北城爲北坡水所圯知縣周遐齡修復並築隄障水東流同治二年知縣黃宜之大修城垣加厚五尺雉堞悉贅以甃增建西南東北二角樓

縣境 在府東北七十里

東西廣五十五里南北袤七十里

東至猗氏縣界白堂村二十里猗氏縣治四十里 西至陝西同州府郃陽縣界四十里郃陽縣治八十里南至虞鄉縣界涑水河三十里 北至榮河縣界王顯村四十里少東至絳州河津縣治一百三十里 東南到虞鄉縣治六十里到

解州治七十里到安邑縣運城九十里 西南到永濟縣界

馮留村二十里永濟縣治七十里 東北到萬泉縣界烏亭

村六十里萬泉縣治九十里 西北到榮河縣界蔡高村三

十五里榮河縣治六十里

鄉鎮 東鄉樊橋鎮十五里 西鄉周吳鎮三十里 南鄉七級

鎮二十里 北鄉六龍鎮二十里 卓里鎮二十里

驛站 樊橋驛極衝 在樊橋鎮東至安邑縣之泓驛七十里

西至永濟縣河東驛七十里見額馬七十七匹馬夫三十八

名半廢夫九十名

舖遞 總舖在城 北路城西十里吳村二十里 北王三十里 南

路南王十里任陳二十里 東北路馬村 郭莊

道徑 東由白堂村至猗氏縣四十里西至黃河岸四十里

商至涼水河三十里至中條山嶺九十里北至王顯村四十里河津縣一百三十里東北至榮河縣六十里晉孔道也

虞鄉縣簡缺

殷舊國周初文王弟虞仲所封國春秋為虞公國後屬晉為

王官邑太平記王官故城在縣南二里案以水經注考之此不合以世所盛稱仍存其說於此後為智

伯邑括地志虞鄉縣北戰國為魏高安邑史記趙世家成侯四年與秦戰高安

正義高安及陽晉邑括地志陽晉故城今名晉城在蒲州虞城河東地鄉縣西三十五里舊通志在永濟縣東

四十楚漢為東張地漢河東郡解縣地北魏太和元年分置

安定縣又分解縣置南解縣後周明帝武成二年置綏化郡

廢南解別置綏化縣於南解廢縣西五十里為郡治武帝保

定元年改虞鄉縣仍隸河東後又置解縣於虞鄉縣東此即

州治也隋廢縣徙虞鄉來治唐又改為解縣至今不易也案大

平記改虞鄉縣下云周末置解縣於虞鄉城東於解縣五十

里別置虞鄉縣即今理也考虞鄉此時未廢何以又別置乎
 此文上言東無里數下言五十里無東西且唐之再廢再置
 不應無一言及之此蓋即唐武德別置之虞鄉縣今治是也
 傳為語耳據本書云後化故城後魏綏化郡及綏化縣所
 理也在縣西北三十里解州故城案當作南解故城在縣城
 東三十里左傳云此誤矣左傳之解在涑水北不在今虞
 鄉東也况解州乃唐後之名乎則當作南解無疑東西相去
 六十里與五十里亦相合也綏化郡各志皆闕即據此增入
 隋大業元年省解縣入焉九年自綏化故城移虞鄉治廢解
 縣故城唐次武德元年更名解縣又別於解縣西五十里

蒲州界置虞鄉縣貞觀十七年省解縣入虞鄉二十二年復
 置解縣省虞鄉為鎮入焉天授二年復析解縣置虞鄉晉隸
 河中府宋次仍屬元至元三年省虞鄉入臨晉

國朝雍正八年析臨晉置虞鄉縣隸蒲州府編戶二十四里

舊通志

國朝雍正八年復分臨晉置虞鄉縣雍正辛亥署刑部侍

郎韓光基等奏臣到臨晉縣隨赴坡上縣州併虞鄉山
下一帶地方相度形勢察訪與論蓋因原任侍郎王璵
條奏分設虞鄉於坡上地方而撫臣石以坡上去臨晉
縣治僅十餘里請將虞邑設於涑水河南之虞鄉鎮臣
等竊以虞南臨北中隔涑水一河實天成之界限請卽
以涑水一河爲兩縣交界凡沿河村莊坐落河南者俱
編入河南就近之里分以歸虞鄉坐落河北者俱編入
河北就近之里分以歸臨晉統計臨晉一縣應分四十
一里平陽衛四所新設虞鄉一縣應分二十四里

舊通志臨虞今古分合辨虞鄉在唐虞夏商皆屬畿內
春秋屬解梁奄有桑泉等地戰國屬魏漢置解縣屬河
東郡魏正始晉太康皆名解以司州領之後魏太和元

年曰安定西魏大統十一年改分南解北解南解有桑

泉城見魏書注又改綏化又曰虞鄉有石錐山百梯山百徑

山見魏書注北解有張楊城見魏書注尋廢隋開皇十六年置桑

泉有三崑山見隋書注北面併今猗氏之半又別置虞州兼

得今安邑有鹽池銀冶至大業初州廢見隋書注又改南解

為虞鄉義甯元年虞鄉屬安邑郡唐武德元年更虞鄉

為解縣屬虞州而於解西五十里別置虞鄉縣即元廢縣後之

虞鄉也三年析桑泉置温泉縣九年省入桑泉貞觀十七

年廢虞州省解人虞鄉有鹽池文鹽池紫泉監二十二

年復以地入解天授二年復析解縣置虞鄉北十五里

有凍水渠渠即貞觀十七年刺史薛萬徹開自開喜引

入下臨晉者也見唐書注五代至宋金惟周世宗二年於河

北復置虞州餘皆名虞鄉元世祖至元二年乃省虞鄉

入臨晉按虞鄉名始於西魏見隋書注屬虞州者前後止數

十年而漢後隋前皆屬河東唐罷郡為州屬蒲州宋金

元屬河中府明屬平陽府蒲州臨晉名始於天寶十三

載前此與虞鄉或分或合其北解故城在今臨晉東南

城東城西兩城之間非今解州治也見郭為觀鄉城考惟南解

昔人所指各別考解州舊志南解管至虞鄉鎮即今虞

鄉縣是也臨晉舊志虞鄉在臨晉西南三十里五姓村

北之古城即古解梁地也郭為觀則謂在鄉頭村即今

涑水南逕處也意鄉頭五姓以及元虞鄉鎮皆古南解

所轄乎抑五姓湖即張楊池臨晉舊志引括地志云張

楊城一名東張城在蒲州虞鄉縣西北四十里則五姓

湖儻亦北解所轄乎春秋桑泉故城在今臨晉東北與魏桑泉城隋桑泉城亦未可混爲一隋桑泉卽北解故城是也自省虞鄉入臨晉幾五百年今以涑水姚渠中隔微輪不便是以有復設虞鄉之議其管轄以涑河爲界屬蒲州府自猗氏祁村智光以東臨晉五姓村以西沿河如東西渠下東西坑頭大小姚村楊村蒲落頭等村以南直達條山之陰皆隸虞鄉其餘河北各村皆隸臨晉天成界畫良規不易矣

舊通志平陽衛所屯營有五舊隸臨晉

國朝雍正三年裁衛五年始隸於縣田賦丁徭與民畫一八年分設虞鄉以涑水河爲界右所在涑河南故隸虞鄉其左所中所前後所仍屬臨晉晉府羣牧十三營本

散列東西今以夏吳浪店夾馬口下馬營在西北隅與臨晉近故屬臨晉其餘九營在涇河南故撥入虞鄉從民便也

府志蒲之虞鄉與解州平陸縣皆古虞國地虞故有二在周以前爲古國舜先世所封則虞幕後國也虞芮質成至商末猶存或以虞爲舜後國禹封商均子於此是殊不然昔舜入于禹既封商均於商復封舜別子於虞今河南歸德虞城縣是少康所奔而邑者於此無與也惟古虞國至周初時其亡滅不可復考武王以其國故墟封仲雍後於是虞鄉平陸又爲周時之虞國若皇甫士安謂舜嬪於虞因以爲氏今河東大陽西山上虞城是則專指平陸言之羅長源則云所謂嬪於虞者今解

之虞鄉杜征南又謂在大陽樂史寰宇記以爲安邑說
各不同要之長源土安並據虞地一偏以言若括地志
故虞城在陝州河北縣東北五十里虞山之上水經注
謂幹橋東北有虞城堯女嬪虞之地路史又言平陸東
北六十里吳山上有虞城虞井本帝舜後國亦指平陸
或專言舜不及虞鄉然嘗論之虞鄉之名雖始於隋虞
鄉爲地當古虞國蓋虞鄉在漢屬解解梁名見左傳則
春秋中世其時晉人滅虞已久若晉未假道之先虞國
猶在虞爲大國故晉獻公亡虢五年而後舉虞虞在當
時其地蓋廣且今平陸有上陽下陽虢二邑在焉是旣
不得盡爲虞而虞與芮隣匹芮居馮翊臨晉尙跨河以
有芮城則虞境西掩中條宜兼及解况虞鄉又古封域

之舊乎考之漢志凡亡國故都所在皆表以鄉若城與
亭因立縣邑故皮氏以耿國而有耿鄉涿郡以州而有
州鄉芮城以芮而有芮鄉隋時置縣意其亦因虞國舊
地而虞鄉號之不然以爲舜都安邑故改虞州若虞鄉
曾非帝都且遠安邑彼亦何所取而爲此臨晉舊志乃
謂虞鄉以舜都故名不已鑿乎山西通志辨虞鄉城謂
舜後周後不可合爲一此言是矣然不審虞封之舊乃
以虞鄉至平陸凡百里相去甚遠越嶺而轄似爲未便
若虞鄉達蒲坂地差平坦則以虞鄉爲舜後封似爲近
之云云是欲強分之而爲調停之說其見迂而不達非
通論矣夫周封建之初周公居曲阜太公居營邱詩言
奄有龜蒙遂荒大東傳言南至穆陵北至無隸何常不

跨山越河而治其爲地抑豈百里之遠哉大抵人情爭引聖人爲光榮自古有然是以水經注幹橋有虞嬪之談路史指虞鄉爲釐降之地要以舜稱有虞而幕子雍孫同其封號因號之同訛附尤易是以舜迹若皆在焉若夫虞坂虞城在平陸者以爲虞公亡國之餘則可必以爲舜或恐未安至於其井不足深辨而虞鄉舜後商均子封亦非其信禹旣國帝子於虞城何復於斯更胙虞土此亦事理之易明然而五虞紛紜訟聚前彥世邈籍缺剖決殊難且事非其要抑可以不必耳

縣城 唐武德元年更虞鄉爲解縣於解西五十里別築城置虞鄉縣元至元三年省入臨晉廢爲鎮

國朝雍正八年復設虞鄉縣城高二丈二尺周四里池深一

丈門四東曰崇德西曰報功南曰開化北曰迎恩九年知縣
劉培元卽故址重葺十二年知縣李景芬始建東西門樓乾
隆十三年知縣余克長始甃甃雉堞並建南北二門樓十九
年知縣顧月化五十一年知縣周大儒先後增修

縣境 在府東六十里

東西廣五十里南北袤七十五里

東至解州界張村二十五里解州治四十里 西至永濟縣

界榆林村二十五里永濟縣治六十里 南至解州芮城縣

界中條中山橫嶺三十里芮城縣治四十里 北至臨晉縣

界涑水河四十五里臨晉縣治六十里 東南到解州界紅

臉溝三十五里 西南到永濟縣界草坪頭三十五里 東

北到猗氏縣界岐村四十五里 西北到臨晉縣界觀底村

四十五里

鄉鎮 東鄉故市鎮十里 西鄉孫常鎮十里 北鄉鄉頭鎮四

里 平濠集 虞東屯 東社集

舖遞 總舖在城 西路齊店十里 永泉二十

道徑 東經石衛舖十里又十里至解州西張舖此達省之

道也西經齊店舖十里永泉舖十里又十里至永濟趙伊舖

此運司解課達陝西之道也

猗氏縣中缺 衙雜

周郇伯國文王庶子所封春秋屬晉為令狐及剗首廬柳方

紀要縣北諸地漢置猗氏縣隸河東郡以猗頓得名也初封

陳邀為侯國北魏太和十一年分置北猗氏縣隸北鄉郡猗

氏仍舊不知何時移治涑北古令狐城西魏恭帝二年改猗

氏為桑泉縣後周明帝復改為猗氏縣省北解入焉隸汾陰

郡案地形志無汾陰郡北鄉郡領縣二有北猗氏汾陰有北鄉城隋地理志汾陰郡舊置汾陰郡開皇初郡廢當是西魏

或北周改北鄉為汾陰郡仍治汾陰時又廢北鄉氏入汾陰桑泉二縣故仍以猗氏改隸之也隋開皇三年

罷郡縣屬蒲州十六年析置桑泉縣大業三年罷州隸河東

郡自故城徙今治明一統志案志未言故城所在縣志亦然惟括地志令狐城在猗氏縣界十五里不

言東西縣志在縣西十二里證之道元及十三州志令狐城即猗氏是晉已治令狐城此故城即令狐城耳唐

歲隸河中府宋次歲金並屬元下至元三年省萬泉縣入焉

十五年復置明隸平陽府蒲州

國朝因之雍正二年直隸蒲州六年州升府仍隸焉編戶舊

五十一里今二十七坊里

水經注涑水篇池西又有一池謂之女鹽澤澤東西二十

五里南北二十里在猗氏故城南又涑水又西逕猗氏故

城北春秋文公七年晉敗秦於令狐至於刳首闕駟曰令狐卽猗氏刳首在西三十里又涑水又西逕郇城杜元凱春秋釋地曰今解縣西北有郇城服虔曰郇國在解縣東郇瑕氏之虛也余按竹書紀年云晉惠公十有四年秦穆公帥師送公子重耳圍令狐桑泉曰衰皆降於秦師狐毛與先軫禦秦至於廬柳乃謂秦穆公使公子繫來與師言退舍次於郇盟於軍京相璠春秋土地名曰桑泉曰衰並在解東南不言解明不至解可知春秋之文與竹書不殊今解故城東北二十四里有故城在猗氏故城西北鄉名之爲郇城考服虔之說又與俗符賢於杜氏單文孤證矣涑水又西南逕解縣故城南又涑水又西南逕瑕城晉大夫詹嘉之邑也京相璠曰今河東解縣西南五里有瑕城

元和志猗氏縣故郇城在縣西南四里

太平記同

太平記

令狐城在縣西十五里又有劔首梁在令狐城西三十里
蒲州府志古猗氏大矣水經注河東鹽池謂之解鹽池
西又有一池謂之女鹽澤在猗氏故城南春秋晉謀去
故絳諸大夫曰郇瑕地沃饒近鹽杜預曰猗氏有鹽池
後分猗氏安邑置縣以守之魏書猗氏有介山塘是則
今安邑萬泉地其初並猗氏有矣自世人弗考乃謂猗
氏由猗頓之富漢因頓而名其縣則孔叢子明云頓適
西河大畜牛羊於猗氏之南以興富於猗氏故曰猗頓
是先有猗氏而後乃有頓耳太史公亦止稱猗頓而不
詳其姓則頓之姓氏都不可知如說者之言將以猗卽
爲頓之姓而縣之氏又託始於頓吁何謬哉

府志猗氏城郇城解城桑泉令狐白衰等地通辨今猗氏城非郇伯故城也故城在今縣治南十八里猗氏故址不可考然酈注瑕城在故解城東北二十四里猗氏故城西北俗名郇城郭爲觀據此以辨且謂北解在今臨晉城東城西兩村之間南解在卿頭村去郇城西南二十餘里按郇城在猗氏縣南二十里隋大業九年廢與郇伯故城似屬兩地左傳郇瑕每分舉而諸大夫皆曰必居郇瑕氏之地則連及之揆其里道疑亦不相遠也猗氏故城應在郇城東南郭爲觀謂應在解安之交乃今解非古解也但杜釋地云今解西北有郇城又曰猗氏縣東北有瑕城服虔曰郇國在解縣東解東解西二說不符意晉時解之東境所轄甚廣西北二字第據

一境而言耳晉志注解謂有鹽池今池東西廣一百二十里地形可據至服虔所云在解縣東則無論南北解皆屬東境此無可疑者卿頭去城東城西兩村約二十五里城東城西在今涑河北卿頭在涑河南古令狐在今倚氏之西北隅春秋桑泉故城在今臨晉東北隅後漢解有桑泉城杜注在縣西二十里後魏南解有桑泉城蓋晉在臨晉而西魏改倚氏曰桑泉隋桑泉有三寔山則又兼界今之臨倚二邑矣曰城後漢亦屬解晉文公取曰衰卽此據杜預注在縣東南是謂在解縣東南也應屬今虞鄉

謹案倚氏漢縣故城在涑水之南水經注三言故城可知在今解州西北女鹽池之北不知何時移治涑

水之北又西入解縣境境愈大矣至後魏太和十一年分置北猗氏縣又北入汾陰之境後改縣爲桑泉而城仍魏之猗氏也北猗氏未久亦廢洎周復爲猗氏又省北解入之則其境幾倍於漢矣然其地適中故雖有改更而無遷徙至隋始別於北解故地置桑泉縣唐亦遂於北猗氏故地置萬泉縣而東西之境土稍狹矣

又棗卯城據水經注所辨及元和太平二記在涑水之北甚明今人多目運城爲卯城非也又卯瑕二地世多以欲居卯瑕一語斥爲一地考水經注所言一在解東北一在解西南道里尙可按也

縣城

唐興元元年節度使馬燧築爲屯兵之壘後遂爲縣

城今相傳城內東北隅古縣卽其地也明景泰初重修周七里七十步高二丈池深二丈一尺闊三丈門四角樓四敵樓一十六窩鋪六十有四正德間加修隆慶二年易堞以甃題門名東曰朝京南曰迎薰西曰通秦北曰拱極萬曆十四年建門樓四十八年浚池築圍牆崇禎五年增築四門月城國朝康熙二年知縣楊乾晉重修角樓東西城門樓乾隆三十一年知縣史湛領款重修垣堞悉費以甃四門樓角樓以次新之

縣境 在府東北一百一十里

東西廣四十里南北袤六十里

東至解州安邑縣界張岳村二十里至夏縣治九十里 西至臨晉縣界下任鎮二十里臨晉縣治四十里 南至解州

界曲磬村三十里縣志小侯村解州治六十里 北至萬泉

縣界閻景村三十里縣志小桃村萬泉縣治六十里 東南

到安邑縣治五十里 西南到臨晉縣界自坊村四十里到

永濟縣治一百一十里 東北到萬泉縣界皇甫村五十里

到聞喜縣治一百一十里 西北到臨晉縣界馬村二十里

到榮河縣治一百二十里

鄉鎮 東鄉張岳鎮二十里 西鄉下任鎮二十里 南鄉牛杜

鎮十里

舖遞 總舖在西關 西路張慶十里下任二十里 東路大楊

里 北路陳莊三十里

道徑 東經張岳村至安邑縣界二十里北至小桃村三十

五里萬泉縣六十里西出下任鎮至臨晉四十里晉小徑亦

要道也

萬泉縣高缺

漢河東郡汾陰縣東境及猗氏縣東北境後魏道武天賜元年郡人薛通築城於汾陰城東八十里聚宗族千餘家居之名薛通城孝文帝於后土城北一里復置汾陰縣又置北猗氏縣同隸北鄉郡後郡縣並廢唐武德三年割稷山安邑猗氏汾陰龍門五縣地於薛通城置萬泉縣為上縣隸秦州以縣東谷中井泉百餘區得名元和貞觀十七年州廢隸絳州大順二年隸河中府宋次畿隸蒲州金貞祐三年改屬榮州元下仍隸河中府至元三年省入猗氏十五年復置明隸平陽府蒲州

國朝因之雍正二年直隸蒲州六年州升府仍隸焉編戶舊

四十里今十一里

地形志河東郡猗氏有介山塘北鄉郡北猗氏有解城

唐地理志猗氏有孤山 太平記萬泉縣介山一名孤山
在縣南一里

府志萬泉其先諸志皆莫考然以傳記推之在春秋時
宜當爲冀地說已見於前漢書汾陰地志注云介山在
南而唐志萬泉有介山則與漢時合然古以水南爲陰
而汾水不至萬泉卽以介山爲徵恐在當時亦不必盡
爲汾陰而後世志地理者大概言之耳後漢地志聞喜
邑本曲沃有稷山亭今萬泉接稷山縣甚近萬泉東十
五里有稷王山或云卽古稷山亭處然則其在漢時亦
應兼有聞喜地唐初時河東多寇亂且時虞突厥之入

故割安邑猗氏龍門稷山因薛通舊城爲險阨以制其勢縣之所以設也

府志今作地表以萬泉滎河宜爲春秋冀耿二國地據後漢志河東皮氏有耿鄉冀亭晉獻公滅耿杜征南注云平陽皮氏縣東南有耿鄉地記又曰皮氏縣汾水南是故耿國也春秋冀伐虞杜注云冀國名平陽皮氏縣東北有冀亭自後世言地輿者以今河津爲漢皮氏縣卽古耿國至於冀則更無有及者是蓋不明於封建之制古今地理之紀而徒以後世之縣域畫前代之封疆無惟說多疎而千載以上昭然可見者就歸泯沒也請得詳指之水經注云汾水又西逕清原城北故清陽亭城北有清原晉作三軍處也汾水又逕冀亭南京相璠

曰河東皮氏縣有冀亭古冀國之都也汾水又西與華水合又西逕稷山北山在水南可四十許里山上有稷祠下有稷亭西去介山一十五里汾水又西逕郟邱北邱在介山北卽汾山也高可十餘里山上有廟側有靈泉祈祭之日周而不耗今據萬泉志介山在縣南二里上有神祠介山東十五里有稷王山上有稷廟與道元之注古今正同蓋漢時無稷山縣而後漢志聞喜邑有稷山亭自冀亭之南漢皮氏與聞喜分縣界而稷山延連甚大東西二十里南北三十里其東南爲聞喜其西北爲皮氏今之稷山蓋隋析聞喜所置自是漢之所爲稷山亭者不屬聞喜而唐又割安邑龍門稷山諸縣地置萬泉縣今考萬泉東北去稷山不過三十里萬泉北

至河津亦僅二十五里以是求之則不獨河津爲皮氏
卽稷山萬泉雖謂古屬皮氏猶可焉而所爲冀亭在皮
氏東北者正今稷山河津兩邑之交春秋諸國大者數
圻次亦百里計冀當時能再興師伐虜入顛軫之坂類
非弱小卽以百里準之地亦不盡一縣況皮氏有冀復
有耿同在一時難爲二國而自今河津北爲鄉甯縣則
北屬所居也其東爲絳爲聞喜又晉所有也東北之地
旣非冀域則於其西南爲之封畛而萬泉屬在至近以
爲冀地夫何所疑彼云在皮氏東北者特其國都耳至
於疆土大小近遠之所在恐未得以一亭限也且言耿
國者旣云在皮氏東南則就河津論之東南至萬泉不
過四十里南與西南至榮河亦不過三十餘里其東北

既有冀則亦不能不於西南而立壤土焉則今榮河之宜亦爲耿地者又何所疑彼云耿鄉在皮氏東南者亦特言其國都耳是蓋度以地形審於事理參之以封建通之以古今雖載籍有勿詳前議有未及直可取決而無惑焉不然春秋之初魏國未及分晉且未之并記國名者無他小侯今二縣地非耿冀之屬不將虛焉而無託哉

謹案地形志猗氏北猗氏亦有誤以地勢考之介山在東北解城在西南不得反爲北也況元和太平二記皆言西魏改猗氏爲桑泉不言北猗氏所在蓋當時已省入猗氏矣故後周又復桑泉爲猗氏也則以桑泉故城在北解說見前其時已省入猗氏而故解城

在桑泉城東五里之近故因爲名若介山塘之猗氏則遠於桑泉矣又考魏置北鄉郡領北猗氏汾陰二縣而猗氏仍隸河東唐置萬泉縣卽分汾陰東境故介山在縣南一里是卽猗氏在西南北猗氏在東北之明證則地形志介山塘係北猗氏下解城係猗氏下乃合也

縣城 元魏道武天賜元年赫連勃勃東侵里人薛通率族人千餘築堡自固因名薛通城唐武德三年遂改爲縣周五里十三步元至元十四年築新城古城漸廢明景泰元年成化二年宏治十一年相繼修葺高二丈五尺池深廣斷續不一門四正德初各建門樓新城較古城稍下地勢廣闊無險可恃古城據在高阜南依孤山東西二澗夾流俱稱絕險嘉

靖間修隆慶三年重修古城高如舊制登堞以甃又五尺許厚一丈有奇重建四門城樓東曰挹翠南曰向明西曰承暉北曰拱極

國朝順治十八年知縣鄭章重建西門樓一角樓三窩舖二十各城樓悉加修葺自為記康熙三十四年地震城圯知縣瞿亮邦重修

縣境 在府東北一百六十里

東西廣八十里南北袤五十里

縣志廣五十五里袤五十五里

東至絳州稷山縣界文村五十里至絳州聞喜縣治九十里

西至榮河縣界通愛村三十里榮河縣治七十里 南至

猗氏縣界閻景村三十里

縣志四

猗氏縣治六十里 北至

絳州河津縣界薛李村二十里

東南到解州安邑縣界三

十里安邑縣治九十里照志八西南到臨晉縣界三十里

臨晉縣治九十里東北到稷山縣界三十里稷山縣治八

十里西北到河津縣界二十五里河津縣治六十里

鄉鎮 北鄉解店鎮十里

舖遞 總舖在城 東北路張戶十二里南路塢底二十北

薛里三十里西南路王亞十五里

道徑 東至稷山界五十里至聞喜縣九十里南由閻景村

抵倚氏縣五十里此孔道也西北至薛李村二十里河津縣

六十里此小徑狹坡遂谷胥匪坦途

榮河縣簡缺

古綸邑相傳為夏少康邑後漢志引博物志云然後有辨春秋晉郟邱地戰

國屬魏曰汾陰史記周顯王四十年秦伐魏取汾陰漢置汾陰縣初封周昌為

侯國隸河東郡晉汾陰公國都劉淵省入蒲坂縣北魏孝文

帝太和十一年復置汾陰縣於后土城南二里又置北鄉郡

於縣境太平記北鄉城在縣北二十一步與分置之北猗氏縣同屬焉隸秦

州後周武帝又移縣於殷湯故城括地志汾陰故城俗名殷湯城案故字誤行考元和

志后土祠在漢汾陰縣西北二里在今縣西北十一里是漢縣北九里方里正合則殷湯城之置汾陰郡隸焉隋開皇三

年郡廢縣屬蒲州大業三年州廢隸河東郡義甯元年以汾

陰龍門置汾陰郡唐次畿武德元年改汾陰郡曰秦州貞觀

十七年州廢屬蒲州開元十一年獲寶鼎更名寶鼎宋次畿

大中祥符四年二月建寶鼎縣為慶成軍以祀汾陰有榮光

溢河之瑞改縣名榮河即縣治置軍使金貞祐三年升榮州

以河津萬泉隸焉元初州廢復為榮河縣隸河中府明隸平

陽

陽府蒲州

國朝因之雍正二年直隸蒲州六年州升府仍隸焉編戶舊三十八里今一十三里

府志諸志並以榮河爲古綸爲夏少康邑然考夏都安邑而邳距太康於河遂不能歸其後相居商邱爲羿所弑后緡方震自竇逃歸有仍生少康及長爲仍牧正羿使人求少康乃奔有虞爲之庖正虞妻以二姚而邑諸給後漢志梁國處有綸城少康邑漢之梁國在唐爲宋州宋號南京今河南歸德府地惟仍近虞故少康便得狂奔且方太康後夏社幾墟安邑舊都無適主者少康出流離逃播之餘所依諸侯多在山東然後誅夷寒浞光復舊物方其初時身爲亡虜窮於讐購西河越在

數千里外亦安能跋涉險遠就此邑居况虞思爲國在
彼河南而此爲綸豈猶虞邑古綸云云蓋出博物記訛
謬之傳梁劉昭知其不足信故於地理志汾陰下聊附
記之所不削者或亦郭公夏五之意而大書虞城綸邑
於梁國以著其是然則此云少康邑者亦無取稱矣若
滎河之爲綸則會盟圖地道記指爲上古封國者當舉
以箴昔人之缺耳

府志今既辨少康綸邑之非且謂滎河宜故耿國地若
祖乙之耿猶少康之綸也已稍見於地表顧尙有所未
盡書盤庚不常厥邑於今五邦考殷家國邑屢徙路史
自契至湯八遷盤庚五遷然路史知辨五遷俱出盤庚
之爲妄亂乃猶以龍門故皮氏縣東耿鄉城是祖乙所

居則仍蔽於舊說而不能通據漢書地理志皮氏注耿鄉故耿國晉獻公滅之以賜大夫趙夙後十世獻侯徙中牟其言耿可謂詳矣然初不及祖乙竹書紀年祖乙勝遷於庇沃甲祖丁因居之紀年所載雖異太史公爲邢者不同然亦終不言耿且太史公篤學好古生於龍門去耿至近而漢距古未遠使祖乙果常居此安有不熟問之顛於殷本紀必曰祖乙遷於邢而不以耿哉耿之云然徒見書序前世達識通人多疑書序出於僞作義理淺俗殆少足信唯博士授書守而尊之後作疏者遂謂耿是反疑遷邢之言乃子長自爲說亦已陋矣且書最初時爲之傳者則孔安國後注書者則鄭康成乃孔鄭亦但依序言祖乙遷耿未嘗實指耿爲何地其曲

爲之說者又謂古邢與耿通太史之邢卽皮氏之耿是
又無稽之甚者也考邢在春秋爲邢侯國秦屬邯鄲郡
石勒所爲襄國者今順德之南彰德之北乃其故墟昔
者仲丁遷潞河亶甲遷相並今彰德衛輝間地惟最近
相故亶甲得以就其近而遷焉惟相近邢故祖乙亦得
以就其近而遷焉又竹書之庇地卽爲邶亦在沫邦接
望邢鄰合以求之祖乙所遷定不越是皇甫謐謂耿在
河北迫近山川王肅謂祖乙至盤庚五世邑居墊隘水
泉渴鹵鄭康成謂民居耿久奢淫成俗以今論之邢鄰
之間北太行南漳洹大河經流則山川迫近之徵矣吳
起之時漳尤爲患始決而渠之以溉則墊隘渴鹵之驗
矣魏地儉嗇福急至今如之民雖久居俗自難變唯河

北厥土沃饒樂風靡蕩其習易成則民俗奢淫之效矣
凡此諸端並足明耿之非證邢之是世有好偽者亦指
今垣曲爲湯都夫湯居洛陽偃師去垣尙近然且實未
嘗遷而都此況邢邨在洛陽東北不但數百里彼祖乙
者亦奚爲不憚險阻必遠去先王而來耿哉知湯不居
垣卽知乙不居耿彼酈道元之徒唯事好奇於注水經
輒復道之昧勿審焉故著其說以附於地志俾與少康
之論同正其失也

縣城 隋開皇時建元至正十四年修周九里八步池深一
丈五尺東南北三門城東倚峩嶺坡西逼黃流東高西低池
漸沙壅景泰初重修成化間加修正德二年河水圯西北隅
築補嘉靖二十七年築東西女牆三十四年地震城圯重築

易堞以甃增三門樓南北各建重門一萬厯七年開西門八年塞之二十九年復開崇禎十二年別築西城於西門內棄舊城於外

國朝康熙元年知縣張錫文重修四十六年知縣梅夢菴繼修

縣境 在府北少東一百二十里

東西廣四十里南北袤八十五里

東至萬泉縣界通安村縣志谷村四十里萬泉縣治七十里

西至黃河岸二里過河卽陝西同州府韓城縣界 南至蔡

高村臨晉縣界潘西村三十五里 北至絳州河津縣界衛

村五十里 東南到臨晉縣治六十里到解州治一百三十

里 西南到陝西同州府郃陽縣治七十里 東北到河津

縣界七十里河津縣治九十里縣志北括河到稷山縣治一

百四十里到絳州聞喜縣治一百九十里西北到韓城縣

治三十里

鄉鎮 東鄉王顯鎮三十里 南鄉孫吉鎮三十里 李村集十五里

程村集 北鄉廟前鎮八里 薛稽鎮四十里 王黑鎮三十里 馮村集

二十里 竹家莊集

舖遞 總舖在城 北路周王十里 馮村二十里 楊蓬三十里 薛稽

四十里 南路番村十里 小王二十里 天興三十里

道徑 東經通安村四十里至萬泉縣界七十里東北至雙

營鎮五十里河津縣界九十里南至蔡高村潘西村胥三十

五里抵臨晉縣六十里晉屬小徑惟穆陵關為南北通衢係

榮邑要路

右蒲州府